




埽葉山房藁鈔

二十五

1冊
595
23

二十五





門 1 4
號
卷



廿一史約編

吳興 鄭元慶 芷畦 述

徐秋萼 蘭仲

宣宸 詔來 廷

卞鴻猷 銘岳 編次

龐 祁雲公

同學 龐 祉介 繁 全輯

男惟 鞠恃 何

南史全目 與宋齊梁陳四書 無甚同異故不錄

本紀十

列傳七十

未書全目 史正

全目

竹

帝紀十

武帝三

少帝

文帝

孝武帝

前廢帝

明帝

後廢帝

順帝

志三十

志序

曆二

禮五

樂四

天文四

符瑞三

五行五

州郡四

百官二

列傳六十

后妃

孝穆趙后 孝懿蕭后 武敬臧后 張夫
人 少帝司馬后 武胡婕妤 文元袁后

潘淑妃 路淑媛 孝武文穆王后 宣貴妃

前廢帝何后 文沈婕妤 明恭王后

陳貴妃 後廢帝江后

明陳昭華 順帝謝后

劉穆之 王弘 徐羨之 傅亮 檀道濟

謝晦

宋

王鎮惡檀韶向靖劉懷慎劉粹

趙倫之到彥之王懿張邵

劉懷肅孟懷玉符弟龍劉敬宣檀祗

朱齡石弟超毛脩之傅弘之

孫處蒯恩劉鍾虞邱進

胡藩劉康祖垣護之張興世

宗室長沙景王道憐 臨川烈武王道規俱

庾悅王誕謝景仁弟袁湛弟褚叔度

張茂度子庾登之弟炳謝方明子惠江夷

孔季恭羊玄保沈曇慶

臧燾徐廣傅隆

謝瞻孔琳之

蔡廓子興宗

王惠謝弘微王球

殷滄子孚弟仲淡張暢何偃江智淵

范泰王淮之王韶之荀伯子

武帝三王廬陵孝獻王義真 江夏文

羊欣張敷王微

王華、王曇首、殷景仁、沈演之

鄭鮮之、裴松之、何承天

吉翰、劉道產、杜驥、申恬

王敬弘、何尚之

謝靈運

武帝二王 彭城王義康
南郡王義宣

劉湛、范曄

袁淑

徐湛之、江湛、王僧綽

文帝九王

南平王穆、王鐸、建平王宏、晉熙王昶、始安王休仁、晉平王休祐

鄱陽王休業、臨慶王休倩、新野懷王夷父、巴陵哀王休若

顏延之

臧質、魯爽、沈攸之

王僧達、顏竣

朱脩之、宗慤、王玄謨

柳元景、顏師伯、沈慶之

蕭思話、劉延孫

文帝五王

竟陵王誕、廬江王禕、武昌王暕、海陵王休茂、桂陽王休範

孝武十四王

豫章王子尚 晉安王子勛 松滋侯子房 臨海王子頊 始平孝敬

王子鸞 永嘉王子仁 始安王子

真 邵陵王子元 淮南王子孟

晉陵孝王子雲 南海哀王子師

淮陽思王子霄 東平王子嗣 武

贊陵王

劉秀之 顧琛 顧覲之

周朗 沈懷文

宗越 吳喜 黃回

鄧琬 袁顛 孔覲

謝莊 王景文

殷孝祖 劉劭

蕭惠開 殷琰

薛安都 沈文秀 崔道固

袁粲

明帝四王

邵陵 瑒 王友 隨陽 王劼 新興 王嵩 始建 王禧

孝義

龔頴 劉瑜 賈恩 郭世道 嚴世期 吳達 潘綜 張進之 王彭 蔣恭 徐

耕 孫法宗 范叔孫 卜天與

良吏

許昭先 余齊民 孫棘 何子平 王鎮之 杜慧度 徐豁 陸徽 阮長之 江秉之 王歆之

隱逸

戴顛 宗炳 周續之 王弘之 阮萬齡 孔清之 劉凝之 龔祈 翟法賜 陶

全目

五

竹

宋

潛宗或之 沈道虔 郭希林 雷次
宗 朱百年 王素 劉睦之 關康之
恩倖 戴法興 戴明寶 徐爰 阮佃夫 于天
寶 壽寂之 姜產之 李道兒 王道隆
揚 運長

索虜

鮮卑吐谷渾

夷蠻

林邑 扶南 訶羅陁 呵羅單 婆皇
婆達 閻婆達 師子 天竺 迦毗黎 高

句驪 百濟 倭
荆雍州蠻 豫州蠻

氏胡 胡大沮渠蒙遜 張掖

二凶

元凶劭 始興
王濬 俱文帝子

自序

齊書全目

正史

本紀八

高帝

二

武帝

鬱林王

海陵王

明帝

東昏侯

和帝

志十一

禮

樂

全目

六

竹

齊

天文

州郡

百官

輿服

祥瑞

五行

列傳四十

皇后

宣孝陳后 高昭劉后 武穆裴后 文安王后 鬱林何妃 海陵王妃 明敬劉后

東昏褚后 和帝王后

文惠太子

長懋武帝子

豫章文獻王

疑高祖子

褚淵

弟澄 徐嗣王儉

柳世隆、張壤

垣崇祖、張敬兒

王敬則、陳顯達

劉懷珍、李安民、王玄載

弟玄邈

崔祖思、劉善明、蘇侃、垣榮祖

呂安國

全景文

周山圖、周盤龍、王廣之

薛淵、戴僧靜、桓康、焦度、曹虎

江謐、荀伯玉

王琨、張岱、褚炫、何戡、王延之、阮韜

全目

七

竹

王僧虔張緒

虞玩之劉休沈冲庾杲之王湛

高祖十二王

臨川獻王映 長沙威王晃 武陵昭王晷 安城恭王暕 鄱陽王鏞 桂陽王鑠 始興簡王鑑 江夏王鋒 南平王銳 宜都王鏗 晉熙王球 河東王鉉

謝超宗劉詳

到偽劉悛虞悛胡諧之

蕭景先蕭赤斧子頴胄

劉獻弟陸澄

武帝十七王

竟陵文宣王子良子昭胄 廬陵王子卿 魚復侯子響 安陸王子敬 晉安王子懋 隨郡王子隆 建安王子真 西陽王子明 南海王子罕 巴陵王子倫 邵陵王子貞 臨賀王子岳 西陽王子文 衡陽王子峻 南康王子琳 湘東王子建 南郡王子夏

張融周顒

王晏蕭詵蕭坦之江祐

江斡何昌寓謝瀛王思遠

徐孝嗣沈文季

宗室

衡陽元王道度 始安貞王道生 俱高祖兄 道生孫遙光遙光弟遙欣遙昌 安陸昭王

齊
緬道
生子

王秀之、王慈、蔡約、陸慧曉、顧憲之、蕭惠基

王融、謝朓

袁象、孔稚珪、劉繪

王奐從弟、張冲

文帝二王巴陵王昭秀、桂陽王昭粲、明帝七王巴陵隱王寶義、江夏王寶玄、廬陵王寶源、鄱陽王寶寅、邵陵王寶攸、晉熙王寶嵩、杜陽王寶貞

裴叔業、崔慧景、張欣泰

文學 邱靈鞠、檀超、卞彬、邱巨源、王智深、陸厥、崔慰祖、王逸之、祖冲之、賈淵

良政 傅琰、虞愿、劉懷慰、裴昭、明、沈憲、李珪之、孔琇之

高逸 褚伯玉、明僧紹、顧歡、臧榮緒、何求、劉蚪、庾易、宗測、杜京產、沈麟士、吳苞

孝義 徐伯珍、公孫僧遠、吳欣之、韓係伯、崔懷慎、華寶、韓靈敏、封延伯、吳達之、孫淡、王文殊、朱謙之、蕭叡明

倖臣 紀僧真、劉係宗、茹法、亮、呂文顯、呂文度

魏虜

梁

蠻東南夷

芮芮虜河南氏羌

梁書全目正史

本紀六

武帝三

簡文帝

元帝

敬帝

列傳五十

皇后

太祖獻張后 武德邨后 簡文簡王后 武丁貴嬪 阮脩容 元帝徐妃

太子

昭明太子統武帝子 哀太子大器 簡文子 愍懷太子方矩 元帝子

王茂曹景宗柳慶遠

蕭穎達夏侯詳蔡道恭楊公則鄧元起

張弼策庾域鄭紹叔呂僧珍

柳惔

弟 席闡文章 族弟 愛

范雲沈約

江淹任昉

謝朓

弟子 覽

王亮張稷王瑩

王珍國馬仙琕張齊

全目

十

竹

張惠紹馮道根康絢昌義之

宗夬劉坦樂藹

劉季連陳伯之

王瞻王志王峻王暕子訓王泰王份孫錫張充柳暉

蔡搏江蒨

太祖五王臨川靜惠王宏 安成康王秀 南平元襄王偉 鄱陽忠烈王恢 始興忠

武王

長沙元嗣王業子孝儼永陽恭嗣王伯游衡陽孝

嗣王元簡桂陽敦嗣王象四王俱武帝從子

蕭景弟昂

周捨徐勉

范岫傅昭弟映蕭琛陸杲

陸倕到洽明山賓殷鈞陸襄

裴邃兄子之高之高弟之平之橫夏侯亶弟夔韋放

武帝三王南康簡王績 廬陵威王績 邵陵攜王綸

裴子野顧協徐摛鮑泉

袁昂子君正

陳慶之蘭欽

王僧孺、張率、劉孝綽、王筠

張緬弟續

蕭子恪弟子範子顯

孔休源、江革

謝舉、何敬容

朱異、賀琛

元法僧、元樹、元願、達、王神念楊華、羊侃子鯤、羊鴉仁

司馬襲、到溉、劉顯、劉之遴弟之亨、許懋

王規劉鼓宗懷、王承、褚翔、蕭介從兄洽、褚球、劉孺弟覽、劉

潛弟孝勝孝威、殷芸、蕭幾

臧盾弟厥、傅岐

韋粲、江子一弟子四子五、張嶷、沈浚、柳敬禮

簡文十一王潯陽王大心、南海王大臨、南郡王大連、安陸王大春、劉陽公大

雅、新興王大莊、西陽王大鈞、武甯王大威、建平王大球、義安王大昕、綏、元帝二子等、忠壯、世子方、建王大擘、元帝二子等、貞惠世

王僧辯

胡僧祐、徐文盛、柱崩兄弟弟幼、陰子春

梁

孝行

滕曇恭

甄恬 韓懷明

荀匠 劉曇淨

庾黔婁 何炯

吉玢 庾沙

彌

江綈

謝蘭

儒林

伏曼容

何佟之

范縝

嚴植之

賀場

子革

司馬筠

卞華

崔靈恩

孔僉

盧廣

沈峻

太史叔

皇偏

文學

到沆

劉昭

何遜

鍾嶸

周興嗣

文學

劉峻

劉沼

謝幾卿

劉勰

王籍

思澄

劉杳

謝徵

臧嚴

伏挺

庾仲

容

陸雲公

任孝恭

顏協

處士

何黠

弟肩

阮孝緒

陶弘景

諸葛據

沈顛

劉慧斐

池元琰

劉訐

劉歊

庾詵

張孝

庾承先

止足

顧憲之

陶季

良吏

庾華

沈瑀

范述曾

邱

諸夷

林邑

扶南

盤盤

丹干

阇利

扶桑

河南

高昌

滑周

古柯

阿跋

白題

龜茲

于闐

渴盤

隋末

波斯

興芮

芮

豫章王綜

武陵王紀

俱武帝子

臨賀王正德

武帝從子

王譽

昭明太子子

侯景

陳書全目

史正

全目

十三

竹

本紀六

武帝

文帝

廢帝

宣帝

後主

列傳三十

皇后

武宣章后 文帝沈后 廢帝王后 宣帝柳后 後主沈后 張貴妃

杜僧明 周文育

子寶 侯安都

侯瑱 歐陽頔

子吳明徹 裴子烈

周鐵虎 程靈洗

子文季

黃法氈 淳於量 章昭達

胡穎 徐度 子敬成 杜陵 沈恪

徐世譜 魯悉達 周敷 荀朗 子法尚 周炅

衡陽獻王昌 武帝子 南康愍王曇朗 武帝弟子子方泰 方慶

宗室 陳擬 陳詳 陳慧紀

趙知禮 蔡景歷 劉師知 謝岐

王沖 王通 弟勸 袁敬 兄子樞

沈眾 袁泌 劉仲威 陸山才 王質 韋載 族弟

沈炯 虞荔 弟寄 馬樞

到仲舉、韓子高、華皎、

謝哲、蕭乾、謝嘏、張種、王固、孔奐、蕭允、弟、

陸子隆、錢道戢、駱牙、

沈君理、王瑒、陸繕、

周弘正、弟、直、弘、直、弘、直、弘、直、
袁憲、

裴忌、孫瑒、

徐陵、子、儉、弟、
孝克、

江總、姚察、

文帝九王、伯恭、伯茂、伯信、伯山、伯仁、
始興王、衡陽王、鄱陽王、廬陵王、

江夏王、伯義、武陵王、伯禮、宣帝廿
永陽王、伯智、桂陽王、伯謀、

九王、豫帝王、叔英、長沙王、叔堅、河東
安王、叔卿、宜都王、叔明、

王叔獻、新蔡王、叔齊、晉熙王、叔文、

淮南王、叔彪、始興王、叔重、尋陽
王叔儼、岳陽王、叔慎、義陽王、叔達、

巴山王、叔雄、武昌王、叔虞、湘東
王叔平、臨賀王、叔敷、陽山王、叔宣、

西陽王、叔穆、南安王、叔儉、南郡
王叔澄、沅陵王、叔興、岳山王、叔韶、

新興王、叔純、巴東王、叔謨、臨江
王叔顯、新會王、叔坦、新甯王、叔

隆、新昌王、叔榮、太原王、叔匡、後
王諸子、皇太子、深、吳興王、叔

信、義、王、祇、邵陵王、叔、南海王、叔、

東陽王、恠、吳郡王、潘、錢塘王、恬、

宗元饒司馬申毛喜蔡徵

蕭濟陸瓊子從典顧野王傳緯章

蕭摩訶子世廉任忠樊毅弟猛魯廣達

孝行殷不害弟不佞謝貞司馬暲張昭

儒林沈文阿沈洙威袞鄭灼張崖陸詡沈

害王元規

文學杜之偉顏晃江德藻庾持許亨

褚玠岑之敬陸瑒弟瑜瑜從兄玠從弟琛何之元徐伯陽

能張正見蔡凝阮卓曇朗周迪留異陳寶應

始興王叔陵宣帝子新安王伯固文帝子

北齊書全目僭史稍節

本紀八

神武帝二高歡文襄帝澄

文宣帝洋廢帝殷

孝昭帝演武成帝湛

後主緯幼主恒

列傳四十二

皇后神武明婁后文襄敬元后文宣李后

孝昭元后武成胡后後主斛律后胡

十六竹

北齊

穆后

神武十一王

浚 淹 敞 煥 滄 潛
湜 濟 凝 潤 洽

文襄六王

孝瑜 孝珩 孝琬
孝瓘 延宗 紹信

文宣四王

紹德 紹義 孝昭六王
紹仁 紹廉 百年 彥德
彥基 彥

文宣四王

康 彥忠 武成十二王
彥理 貞 儼 廊
仁英 仁

文宣四王

光 仁幾 仁邕 仁儉
仁雅 仁直

宗室

琛

宗室

盛 永樂 顯國 思
宗 歸彥 普 靈山

竇泰 尉景 婁昭 庫狄干 韓軌 潘樂

段榮

斛律金

孫騰 高隆之 司馬子如

賀拔允 蔡雋 韓賢 尉長命 王懷 劉貴 任延敬 莫多

婁貸文 高市 貴庫狄 迴洛 庫狄盛 薛孤 延張保

洛侯 莫陳相

張瓊 斛律羌舉 堯雄 宋顯王 則慕容紹宗 薛循義

叱利平步 大汗薩慕容儼

高乾 封隆之

全目

十七

竹

北齊

李元忠 盧文偉 李義深

魏蘭根 崔悛

孫奉 陳元康 杜弼

張纂 張亮 張耀 趙起 徐遠 王峻 王紘

薛琬 敬顯 偽平 鑒

万俟普 可朱 渾元 劉豐 破六韓 常金祚 韋子粲

元坦 元斌 元孝友 元暉 業 元弼 元韶

李渾 李璵 鄭述祖

崔暹 高德政 崔昂

王昕

陸法和 王琳

蕭明 蕭祇 蕭退 蕭放 徐之才

楊愔

裴讓之 皇甫和 李構 張宴之 陸卬 王松年 劉禕

邢邵

魏收

辛術 元文遙 趙彥深

崔季舒 祖斑

尉瑾馮子琮赫連子悅唐魯白建

暴顯皮景和鮮于世榮綦連猛元景安獨孤永業

傳伏高保甯

陽斐盧潛崔劼盧叔武陽休之袁聿修

李稚廉封述許惇羊烈源彪

儒林 李鉉 刁柔 馮偉 張買奴 劉軌思
鮑季詳 邢峙 劉晝 馬敬德 張景仁

權會 張思伯 張
孫靈暉 石曜

文苑 祖鴻勳 李廣 樊遜
劉逖 荀士遜 顏之推

循吏 張華原 宋世良 郎基 孟業
崔伯謙 蘇瓊 房豹 路去病

酷吏 郎珍 宋遊道
盧斐 畢義雲

外戚 趙猛 婁歡 尔朱文暢 鄭仲
禮 李祖昇 元蠻 胡長仁

方伎 由吾道榮 王春 信都方 宋景業 許遵
吳遵世 趙輔和 皇甫玉 解法選

魏甯 綦母懷文
張子信 馬嗣明

恩倖 郭秀 和士開 穆提婆
高阿那肱 韓鳳 韓寶業

後周書全目 僭史 稍節

本紀八

文帝二 宇文 孝閔帝 覺

明帝 毓 武帝二 邕

宣帝

賈

周

靜帝

衍

列傳四十二

皇后

文帝元后 帝獨孤后

文宣叱奴后 武帝阿史那后

孝閔元后 李后

明宣帝

楊后 朱后

尉遲后

靜帝司馬后

諸公

顯連 洛生 仲

晉蕩公護

齊煬王憲

諸帝子

文帝子震

直招

儉純

盛達

通

道

孝閔子康

明帝子賢

寔

武帝子贊

贊允

允

宣帝子衍

衍

賀拔勝念賢

寇洛李弼于謹

趙貴獨孤信侯莫陳崇

梁禦若干惠怡峰劉亮王德

王羅王思政

達奚武侯莫陳順豆盧甯宇文貴楊忠王雄

王盟賀蘭祥尉遲綱叱列伏龜閻慶

尉遲迴王謙司馬消難

周惠達楊寬柳慶

蘇綽

盧辯

李賢

長孫儉長孫紹遠斛斯徵

赫連達韓果蔡祐常善辛威庫狄昌田弘梁椿梁

臺字文測

史甯陸騰賀若敦權景宣

王傑王勇宇文虬宇文盛耿豪高琳李和伊婁穆

楊紹王雅達奚寔劉雄侯植

竇熾于翼

韋孝寬韋實梁士彥

申徽陸通柳敏盧柔唐瑾

庫狄峙楊荐趙剛王慶趙昶王悅趙文表

趙善元定楊勣裴寬楊敷

鄭孝穆崔謙崔猷裴俠薛端薛善

鄭偉楊纂段永王士良崔彥穆令狐整司馬裔裴

果

寇雋韓褒趙肅張軌李彥郭彥裴文舉

蘇亮、柳蚪、呂思禮、薛澄、薛寔、李昶、元偉

韋瑱、梁昕、皇甫璠、辛慶之、王子直、杜杲

尉遲運、王軌、宇文神舉、宇文孝伯、顏之儀

王褒、庾信

蕭瑒、蕭世怡、蕭圓肅、蕭大圓、宗慆、劉璠、柳霞

李延孫、韋祐、韓雄、陳忻、魏玄

泉企、李遷哲、楊乾運、扶猛、陽雄、席固、任果

儒林 盧誕 盧光 沈重 樊深 熊安生 樂遜

孝義 李棠 柳檜 杜叔毗 秦族 皇甫遐 張元

藝術 龔儁 薛昇 姚僧垣 黎景熙 趙文深 褚該

蕭簪

異域 高麗 百濟 蠻 獠 宕昌 鄧至 白蘭 氏 稽胡 庫莫奚

異域 突厥 吐谷渾 高昌 鄯善 焉耆 龜茲 于闐 嚙噠 粟特 安息 波斯

隋書全目 正史

帝紀五

文帝二

煬帝二

恭帝

志三十

隋

禮儀 七

音樂 三

律厯 三

天文 三

五行 二

食貨

刑法

百官 三

地理 三

經籍 四

列傳五十

后妃 文獻獨孤后 宣華陳夫人 容華蔡夫人 煬帝蕭后

李穆 子渾 兄子詢 梁睿 崇崇子敏

劉昉 鄭譯 柳裘 皇甫績 盧賁

于義 子宣道 宣敏 陰壽 子世師 骨儀 竇榮定 元景山 源雄 豆

盧勣 子毓 兄通 賀若誼

梁士彥 子剛 梁默 宇文忻 王誼 元諧 王世積 虞慶則 元

冑

高頴 蘇威 子夔

李德林

河間王弼 子慶 楊處綱 楊子崇 觀德王雄 弟

滕穆王瓚 子嗣 王綸 道悼王靜 衛昭王爽 子嗣 王集 蔡王智

積

隋

文帝四子

房陵王勇子儼。秦孝王俊子浩。庶人秀。庶人諒。

趙昶趙芬楊尚希長孫平元暉章師楊昇蘇孝慈

兄弟李雄張昷

章世康

弟洗。藝冲。子述弟旦。蕭從兄維亮。從子寔之族兄昂。

杞素

弟約從叔父文思。文思弟文紀。

牛卯

宇文慶李禮成元孝矩

弟郭榮龐晃李安

長孫覽

從兄子熾。熾弟辰。

韓擒虎

弟僧壽。洪。賀若弼。

達奚長孺賀婁子幹史萬歲劉方

王長述李衍伊婁謙田仁恭元亨杜整李徹崔彭

杜彥高勸尔朱做周搖獨孤楷乙伏慧張威和洪

侯莫陳穎

盧愷令狐熙薛胄宇文弼張衡楊汪

盧思道

從兄昌衡李孝貞薛道衡

明克讓魏澹陸爽侯杜臺卿辛德源柳翬許善心

李文博

煬帝三子

元德太子昭子燕王倓越王侗齊王暕趙王杲

全目

二十四

竹

隋

崔仲方于仲文兄觀從弟璽段文振

宇文述雲定郭衍

王韶元巖劉行本梁毗柳彧趙綽裴肅

樊子蓋史祥元壽楊義臣衛玄劉權

李圓通陳茂張定和張倫麥鐵杖沈光來護兒魚

俱羅陳稜王辯解斯

周羅暉周法尚李景慕容三藏薛世雄王仁恭權

王武吐萬緒董純趙才

李諤鮑宏裴政柳莊源師郎茂高構張虔威榮毗

陸知命房彥謙

虞世基裴蘊裴矩

宇文愷閻毗何稠

王劭袁充

楊玄感李子雄趙元淑李密裴仁基

誠節劉弘皇甫誕陶謨敬釗游元馮慈明

盧楚張須陀揚善會獨孤盛元文都

孝義陸彥師田德懋薛溶王頌楊慶

郭儁田翼紐回劉仕儁郎方貴

華秋

徐孝肅

全目

二五 竹

隋

循吏

梁彥光 樊叔略 趙軌 房恭懿 公孫景茂 辛公義 柳儉 郭絢 敬肅 劉曠

王伽 魏德深

酷吏

庫狄士文 田式 燕榮 趙仲卿 崔弼 度弟 弼昇 元弼嗣 王文同

儒林

元善 辛彥之 何妥 蕭該 包愷 房暉遠 馬光 劉焯 劉炫 稽暉 顧彪 魯世達 張仲王 孝籍

仲王 孝籍

文學

劉臻 王頊 崔儵 諸葛穎 孫萬壽 王貞 虞綽 王胄 庾自直 潘徽 杜

正玄弟 正藏 常得志 尹式 劉 善經 祖君彥 孔德紹 劉斌

隱逸

李士謙 崔廓子 曠 徐則 張文詡 盧大翼 耿昉 韋鼎 來

藝術

庾季才 子質 盧大翼 耿昉 韋鼎 來 和 蕭吉 楊伯醜 臨孝恭 劉祐 張

肖玄 許智

外戚

文帝外家 呂氏 獨孤 羅弟 陀 蕭歸子 琮 琳

列女

蘭陵公主 南陽公主 襄城王恪妃 華 陽王楷妃 譙國夫人 鄭善果母 孝女 王舜 韓覬妻 陸讓母 劉昶女 鍾士 雄母 孝婦 覃氏 元務光母 裴倫妻 趙元 楷妻

趙元 楷妻

東夷

高麗 百濟 新羅 棘鞞 流求 倭

南蠻

林邑 赤土 真臘 婆利

西域

吐谷渾 黨項 高昌 康安 石 吐 焉耆 龜茲 疏勒 于闐 錢汗

火羅 挹恆 米 波斯 曹何 附 烏那曷 穆 波斯 漕 竹

全目

二十六

隋
北狄 突厥 西突厥 鐵勒
奚 契丹 靺鞨 室韋
宇文化及 弟智及 司馬王充 段
德戡 裴虔通 王充 達

日一史約編

吳興 鄭元慶 莊陞 述

金延陸介先 沈文煒 貞嘉

同學 吳逢吉 人藹 沈寅 曾畏齋 參訂

南史 唐李延壽 木 凡八十卷

宋書 梁沈約 字休文 吳興人 初仕齊 修宋書一百卷 後以梁佐命功 最被寵遇 裴子野更刪為宋略三十卷 約見而嘆曰 吾所不逮 由是言 宋史者 以裴略為上 沈書次之 子野字幾原 聞喜人 博極羣書 仕梁 至著作郎 時西北徼外 有白題及滑國 遣使入貢 二國 歷代勿通 人莫知所出 子野曰 漢書 穎陰 南北史

侯斬白題將一人服虞注云白題胡名也又漢定遠侯擊虜八滑從之此殆其後平人服其博識子野日尅死期不

宋高祖 姓劉名裕字德興小字寄奴彭城人父翹為郡功曹帝初為劉牢之參府軍事後征討有功加彭城內史封宋公進爵

少帝 名義符高祖長子 文帝 名義隆高祖三子

武帝 名駿文 廢帝 名子業武 帝三子 帝長子

明帝 名或文帝 十一子 蒼梧王名昱 明帝養子

順帝 名準明 帝養子

齊書 梁蕭子顯齊豫章王嶷之孫江淹受詔為齊志沈約復著為齊紀子顯自表於梁武帝修齊書凡五

十九卷然天文但紀災祥州郡不著戶口祥瑞多載圖識自表云天文事秘戶口不知不敢私載

齊太祖 姓蕭名道成字紹伯小字鬪兵蘭陵人蕭何仕宋數征討有功封齊公進爵為王尋受宋禪即皇帝位

武帝 名頤太 業 武 帝 孫 鬱 林 王 名 昭

海陵王名昭 明帝 名鸞太 祖 兄 子

文武帝孫 和帝 名寶融明 帝 八 子

東昏侯名寶 卷明帝二子

梁書 唐姚思廉本名簡以字行吳興人初仕隋為代王

侍讀高祖入京王府僚皆奔亡獨思廉侍兵升殿思廉抗聲曰唐公起義本安王室若等不宜無

禮眾卻列階下高祖義之太宗嘗語及隋事慨然曰姚思廉蒙素刃以明大節真古人所難為贈物

三百段拜散騎常侍豐城縣男奉詔撰梁陳二書 南北史 二 竹

梁書凡五十六卷

梁高祖 姓蕭名衍字叔達小字練兒與齊同四世祖

起兵八建康立和帝封梁公進爵為王尋受齊禪即皇帝位

簡文帝 名綱高祖三子 元帝 名繹高祖七子

敬帝 名方智元帝九子

後梁 蕭詧

陳書 唐姚思廉本凡三十六卷

陳高祖 姓陳名霸先字興國小字法王吳興人為廣州參軍討李贲功授匡闕將軍後為少州刺史進爵為王尋受梁禪即皇帝位

文帝 名蒨高祖兄子

廢帝 名伯宗文帝長子

宣帝 名頊文帝弟

後主 名叔寶宣帝長子

東魏 拓跋善見

西魏 拓跋寶炬 欽

北齊書 唐李百藥字重規博陵人父友陸又讀徐陵文有對瑯邪之稱語恨不得其事百藥進曰春秋

邴子藉稱杜預謂在瑯邪座客大驚號奇童父德林在齊預修國史至開皇中續成之已上史官藏之秘府貞觀初百藥官左庶子詔修齊史乃仍其舊錄雜採他書演為五十卷

北齊 高洋 殷 演 緯 恒

周書 唐令狐德棻華原人以紫金光祿大夫致仕武德時經大亂之後秘書湮缺德棻請帝購求天下遺書於是不數年而圖書略備已復建言近代無正史梁陳齊文籍猶可據至周隋事多損脫陛下受

南北史

三

竹

禪於隋。隋承周。宜各為一正史。帝然之。於是德業奉詔。同岑文本。崔仁師。定周史。書成。凡五十卷。

周 宇文覺

贊

豈

隋書

唐魏徵。字元成。魏州人。隋末世亂。常詭為道士。以十策干李密。密不能用。事隱太子。太子敗。乃事太宗。自以不世遇。為展盡底蘊。凡二百餘奏。無不剴切。當帝心者。貞觀中。詔顏師古。孔穎達。修述隋史。徵總其事。序論皆徵所著。共八十五卷。師古。字子籀。復聖裔。官秘書監。穎達。字仲達。至聖裔。官司業。

隋高祖

姓楊。名堅。小字那羅延。華陰人。父忠。仕魏。有功。賜姓普六茹氏。後仕周。封隋國公。帝為小宗。伯襲封。有女配宇文贇。贇歿。矯詔受遺命。輔政。遂受周禪。即皇帝位。

煬帝

名廣。高祖二子。

恭帝

名侑。煬帝孫。

越王侗。煬帝孫。王世充奉之。亦稱恭帝。止二年。世充篡而弑之。

宋高祖

在位三年。號永初。

宋祖劉裕。以賣履為業。奮起而破孫恩。殺盧循。除桓氏。滅燕秦。功成望極。卒踐帝祚。雖云篡晉。可與創業者比。且能恭儉寡欲。嚴正有度。奉繼母以孝。藏耕具以示子孫。皆其要行。天之祚宋。宜久於晉。何德輿之後。不及安世耶。第尚威力。任機數。既非長者之道。而甘心禪位之一夫。必欲致之死地。天道昭昭。未可以歷祚太促。為劉氏不平也。然臥講堂。有五色龍章。見搗藥。聞寄奴王者。生而神奇。宜乎創大業矣。

潘綜以死救父

謝瞻離隔門庭

宋書

四

竹

毀淫祠

周續之劉遺民陶淵明稱尋陽三隱

孫恩妖人孫泰兄子泰既誅恩思復仇稱將軍據八郡隆安三年帝大破之恩逃入海島眾推恩妹夫盧循為主帝又斬之○一夫指晉恭帝○帝嘗遊竹林寺獨臥講堂上有五色雲章僧眾見之驚白帝帝獨喜曰主人毋妄言後伐荻新洲遇大蛇射傷之明日復至洲聞有杵臼聲覘之見數青衣於榛中搗藥問其故答曰吾王為劉寄奴所射搗藥傅之耳帝曰何不殺之答曰寄奴王者不可殺帝叱之散去遂收其藥歸後以傅金創無不立愈○帝生之夕神光照室甘露降於墓樹父以為奇徵因名奇奴後養於舅氏改名寄奴○帝起家甚微時人莫有知者惟瑯琊王謐獨深敬焉嘗負刁逵錢經時不償為逵所執謐代償之得釋已桓元篡謐實佐命手解安帝璽紱以系元及義旗建眾議誅謐劉毅復因朝會問謐璽紱所在謐益懼不免而帝德謐始終護持之○帝臨終召太子戒曰檀道濟雖有幹畧而無遠志徐羨之傅亮當無異圖謝晦常從征伐頗識機變若有異必此人也已卒如言

高祖

宋少帝

在位一年

文帝

在位三十年

黑龍負玉舟

立四學

雷次宗巾禱恃講

守筮以六期為斷

諫聞生皇子劭

宋少帝居喪無禮徐羨之傅亮謝晦廢而弑之文帝恭號就位立誅三逆英明之概不遠過人哉在位日久綱維悉舉戶口漸蕃但心極雄而力不量戎馬飲於江津十餘年間邊境不能無事雖欲經略中原而任好殺之王元謨一敗不振封狼居胥之言遂為當世所訾笑檀道濟威震天下被讒見收時脫幘投地曰乃懷汝萬里長城魏人聞之而喜卒之輕舉北伐六州破殘三十年宵旰竟為逆子所弑抑又慘矣

何承天借邊
四策

鑄渾儀以水
轉之

宗慈願乘長
風破萬里浪

行元嘉歷

少帝文帝

少帝即位後多過舉皇太后令曰居帝王之位好阜
隸之役處萬乘之尊悅斷養之事蓋實錄也○文帝
欲經略中原羣臣獻策取媚而王元謨尤好進言帝
喜曰觀元謨所言令人有封狼居胥意狼居胥山各
霍去病平匈奴封此山而還○檀道濟伐魏每戰多
捷至是食盡引還軍士有降魏者告之魏人追之道
濟夜唱籌量沙以所餘米覆其上及旦魏軍見之不
敢追因得全軍而還會義康怖其威名奉詔賜死魏
人間之喜曰道濟死吳子輩不足復憚遂有飲馬長
江之志未幾南侵兵至瓜步帝登石頭城北望嘆曰
檀道濟若在豈使胡馬至此○魏人破南襄徐豫青
冀六州所過赤地無餘春燕歸巢於林木自是邑里
蕭條元嘉之政衰矣○帝欲廢太子劭謀泄劭乃弑
帝并殺淑妃剖其心觀邪正妃之子濬至劭謂之曰
不意淑妃為亂兵所害濬曰此是下情由來所願○
淑妃始未見賞帝好乘羊車妃令左右以醜水灑地
駕經其戶羊輒舐地不去帝曰羊猶
為汝徘徊况於人乎自是愛傾後宮

宋武帝

在位十一年廢帝 在位十八月
號孝建大明 號景和永光

宋武帝起兵誅劭可稱勇決但嘲侮公卿擣蒲百萬錦
宮繡室鄙高帝儉素為田舍翁沉湎於酒荒淫於色封
殖於用貪冒於貨濫賞嬖幸誅戮諫臣即桀紂無道亦
不過如是而已其獲瑁玉燭幸也子業不孝立為東宮
及即位殺義恭子鸞戲列祖辱諸父山陰同輩新蔡入
宮其劣更甚於孝武畏太后病慮鬼不往孰意次年殺
之者非鬼也壽寂之也蓋自湘中出天子而曠天子果
不及孰矣

顧顛之著作
命論

射鬼竹林

莊加反

面貌之美者
首髮之美者

武帝廢帝
武帝壤高祖所居陰室起玉燭殿與羣臣觀之見牀
頭有土障壁上掛葛燈籠麻繩縛侍臣盛稱先帝儉
素帝曰田舍翁得此已為過矣○江夏王義恭新安
王子鸞○子業嘗入太廟指高祖像曰渠大英雄生
擒數天子指太祖像曰渠亦不惡但未年不免見所
去頭指世祖像曰渠大驢鼻如何不驢立召畫工合
鑿之○諸父中湘東王或獨肥謂之豬王休仁為殺
王休祐為賊王東海王禕性尤劣謂之驢王○子業
常與沈慶之及姊山陰公主同輦主尤淫恣謂子業
白妾與陛下雖男女有殊俱託體先帝陛下六宮萬
數而妾惟駙馬一人人事不均平一何至此子業乃為
主置面首在右三十人時吏部郎褚淵貌美主請以
自侍許之淵侍主十日逼迫備至○何遜尚新蔡長
公主子業姑也納於後宮謂之謝貴嬪許言主薨未
幾適亦被殺○民謠云湘中出天子華願見曰道路
皆言法興為真天子官家為曆天子○子業使宮人
裸相逐一人不從殺之夜夢罵曰明
年不及熟矣踰年果為壽寂之所殺

宋明帝 在位八年號
泰始泰豫

袁顛願生出
九口

蔡邕宗欲居
中免禍

宋明帝為子業所幽呼為豬王飲食木槽已將就戮賴
少府保全一旦大臣迎立時有晉安玉子勛起而攘奪
徐豫等州皆舉兵應之天下岌岌矣幸臺軍得勝晉安
被收正位改元實出望外首革錢鑿平定南方乃輕耀
兵威降臣復叛不救沈文秀青冀云亡此曷故歟至其
觀婦人之裸埋內帑之錢誇湘宮寺以為大功德殺王
景文恐其有異圖剿盡同姓諸王陰植非類之子以承
宗社諡之曰明何以稱焉

蕭道成收養
豪傑

殷孝祖死節

明帝
子業幽辱諸父獨休仁多智數能取悅故得推遷少
府○初沈慶之啓聽民私鑄錢由是錢貨亂敗千錢
長不盈三寸大小稱此謂之鵝眼錢劣於此者謂之
縆環錢貫之以縷入水不沉隨手破碎至是悉罷之
○帝以南方已定欲示威淮北致薛安都常珍奇等
復叛○沈文秀守青州魏人圍之三年並無救援文
秀抗節不屈於是青冀之地盡入於魏○帝性多忌
諱語言文字稍疑凶敗者必回避犯必加戮如改駟
字爲馬邊瓜以駟字近禍字也又禁稱白門有誤稱
白門者變色黜之曰白汝門晚年尤昏暴刻斷斷斬
無虛日禁中懷懷若踐刀劍時軍旅頻興內帑殫竭
而陰令小黃門埋錢殿內以爲私藏有所造作必爲
正御三十副御次御各三十於是民不堪命天下騷
然○作湘宮寺曰此是大功德虞愿曰此皆百姓賣
見貼婦錢所爲也○帝慮晏駕後王后臨朝景文或
有異圖賜之死詔曰朕不謂卿有罪然吾何能獨死
請子先之○殺子綏等十三人又賜子
房等十人死世祖二十八子於此盡矣

宋 蒼梧王在位二年
四年號元徽 順帝 號昇明

沈攸之不取
損包胥之節

袁粲父子忠
孝

蒼梧王者明帝使宮人陳氏與嬖人李道兒生之秘爲
太子殺盡親弟十六人惟恐其不立耳既立之後嘗自
稱李將軍或晝臥道旁或夜宿客舍遭人慢辱悅而受
之會七夕偷狗醉歸蕭道成使楊玉夫殺之順帝亦諸
王姬所生明帝殺其母使愛姬育之者也迎立三年道
成又令王敬則勒兵入宮帝泣曰欲見殺乎敬則曰出
居別宮耳官家先取司馬家亦如此爰收淚而禪位焉
嗟嗟水運告謝僞子無根宋社宜乎屋矣

可憐石頭城
甯爲袁粲死
不作褚淵生

蕭道成五勝
沈攸之五敗

蒼梧性好殺一日不殺人即慘慘不樂擊腦槌陰剖
心之類日數十有頓眉者必令正立洞刺之聞吳興
沈勃家多寶自往劫之從騎未至即揮劍獨前望見
勃輒投鏃不中勃知不免乃手搏其耳唾罵之曰汝
罪踰桀紂屠戮無日遂殺勃又私逼營卒女從之遊
持數千錢爲酒費出逢婚壘即與挽車與小兒羣聚
飲爲權殿上養驢數十頭所自乘馬則養之御牀前
一口往新安寺偷狗就壘度道人煮以飲酒最幸楊
王夫忽見憎切齒曰明日當殺小子取心肝是夜七
夕乘露車自新安寺醉還王夫殺之順帝詔禪位
於齊是日百僚陪位侍中謝朓在直當解璽綬陽爲
不知日有何公事傳詔云解璽綬授齊王朓曰齊自
應有侍中遂引枕臥王儉乃爲侍中解璽綬帝出就
東邸光祿大夫王玘攀車慟哭百官兩泣褚淵奉璽
綬詣齊宮勸進裴頴獨數道成過惡掛冠徑去道成
殺之或請殺謝朓道成曰殺之遂成其名正應容之
度外耳久之因事廢於家○宋以水德王
故曰水運凡七國之社屋之不受陽氣也

蒼梧王順帝

帝鱗文徧體
肩有赤痣如
日月狀

何曉作齊書

齊高祖在位四年
號建元

齊祖蕭道成久在軍中勇略震主功名蓋世明帝徵之
入朝欲賜之死而不果蒼梧射中其臍復磨鏃相加陳
太妃勸之乃止帝懼不自全遂弑蒼梧假令帝果直指
其無道且明非劉氏子播告中外然後易代庶幾近正
乃既委費於順帝又窺圖禪位復行弑逆積惡創業齊
祚所以不長然能以儉化民不御精不玩珠玉恤病
因而診治訪政術於參軍亦足稱賢但必欲使黃金與
土同價恐未必然之事耳

高祖

帝博學善屬文工草隸奕棋第二品雖經綸夷險不
廢素業既即位制病囚診治之法訪政術於劉獻
曰政在孝經凡宋所以亡陛下所以得者皆是也帝
嘆曰儒者之言可寶萬世敦朴素欲以身易俗主衣
中有玉介導恐長奢麗命樵碎之每日使吾治天下
十年當使黃金與土同價○帝曲宴嘗使羣臣各効
伎能時褚淵彈琵琶王僧虔彈琴沈文季歌子夜張
敬兒舞王敬則拍王儉獨曰臣無所解請為陛下誦
書因誦相如封禪書上笑曰此盛德事吾何以堪之
○帝鎮東府時虞玩之為少府猶躡屐造席帝取屐
視之問曰卿此屐已幾年玩之曰初釋襦時買之已
著二十年矣貧士竟不辨易帝咨嗟久賜新屐玩之
不受答曰賜出尚方恩華俱重但遺簪徹席古人惜
之故不敢當帝善之○帝與王僧虔賭書畢謂虔曰
誰當第一對曰臣書第一陛下亦第一帝笑曰卿可
謂善自為謀虔又曰臣正書第一草書第二陛下草
書第二正書第三臣無第三陛下無第一帝大笑

褚淵入朝以
腰扇障日
褚貢屏居墓
下

齊武帝

在位十一年號永明

范鎮盛稱無
佛

齊武帝時熒惑逆入太微有司請禳詔應天以實不以
文文學八友令王子傾交畱心政事務總大體郡縣久
於其職犯法封刃行誅故永明之治百姓豐樂內外晏
然但長沙武陵以宜厚者而失寵愛羽毛而疎骨肉已
見諷焉華林猿子墮崖忽致感於父子之間悔之何及
要之知法亮迫主之罪而不問是不明也知昭業披猖
之性而立之是不智也西昌之弒逆十王之盡殲帝實
有以召之矣

蕭郎出三十
貫不可言

齊書

十

竹

江南歲易一

王儉自比謝安

武帝
范雲蕭琛任助王融蕭衍謝朓沈約陸倕號八友○
羣臣犯法者封刃與之自殺○長沙王見武陵王暕
俱無寵暕侍宴醉伏地貂抄肉拌帝笑曰肉汗貂對
曰陛下愛羽毛而疎骨肉帝不悅○子響有罪為茹
法亮所迫而死久之帝遊華林園見一猿透柳悲鳴
問左右曰猿子前日墮崖死帝思子響因流涕○太
子長懋卒立其子昭業為太孫昭業在西州每夜輒
開後堂與無賴羣小二十餘人徧入諸營署為宴樂
其飲食同臥起其積漸然矣性尤辯慧能矯情飾詐
初居父喪哀毀備劇至令見者嗚咽而裁還私室即
酣笑權飲已侍帝疾亦然見疾將革陰與如何氏書
於中央作一大喜字而旁作三十六小喜字環之大
殮裁畢即悉召諸胡伎入備奏衆樂鞞鐸之聲徹外
及在位西昌侯鸞屢諫不聽反欲殺鸞鸞率兵入時
方與父之幸姬裸身相對遂被殺○後明帝忌高武
子孫猶育于王欲盡除之遂殺河東王鈺等十人按
武帝二十三子惟四子早夭文惠竟陵病
餘十七人俱為明帝殺又殺高帝子七人

齊鬱林王在位十三月號隆昌明帝在位五年號
海陵王在位三月號延興建武永泰

謝論不問外

縛袴廢天子

齊明帝少孤高祖撫之過諸子又受武帝遺詔輔太孫
乃不思報効而半年之中連弑二主何其忍也昭業昭
文雖不君在所當廢何不立親近而自取之北魏臨江
問罪固為當日義師矣在位五年誅戮亟行高武子孫
一時俱盡如此而欲生子令善天甯佑之雖浮慕節儉
而躬親煩碎顧髡所謂代庖人宰為大匠斲也敬則雖
除蕭衍漸熾東昏無道和帝不才會不三年而大位付
之衍矣攘奪亦何益哉

酒鎗移在此

紅斨託病而去

魏兵臨江帝使崔慶遠出問師故魏曰齊主何故廢立慶遠曰廢昏立明曰何以不立親近而自取之曰霍光亦舍親近而立宣帝惟賢也曰光何以不自立曰非其類也主上正可比宣帝耳安可比光且若然者武王伐紂而不立微子亦為貪天下乎魏大笑而還○帝性深刻有所行幸將南則詭言西將東則詭言北尤多吝用卑笑說以餘樂授左右曰此猶甚明日用太官進裏蒸每十字畫之日可分四片以其餘充晚食○敬則自以高武舊臣心懷疑懼帝亦深猜之敬則子仲雍善彈琴時有蔡邕焦尾琴在御帝借之仲雍乃即於御前鼓琴作懊儂曲歌云常嘆負情儂即今果行許帝愧已而除張懷為平東將軍敬則聞之曰東今有誰祇是我耳遂反尋見殺○東陽女子婁逞粗知圍棋解文義變服詐為丈夫徧遊公卿間仕至揚州議曹從事發驅令還東逞始作女人服而去嘆曰如此伎倆還為老嫗豈不惜哉蓋齊多不知文學之臣宜此婦之為妖矣

齊 東昏侯在位 和帝 在位一年 號中興

天驚啼來

趙鬼能讀西京賦

東昏嗣位親昵羣小六貴同朝奄寺呼為父兄大臣死於倉卒人人不能自保蕭懿既誅蕭衍起兵雖闕堂種柳市販交歡潘妃步步金蓮豈能長享為和帝廢即為蕭衍弒矣東昏未死和帝已即位江陵廢兄自立欲為磐石之業耳無何穎胄卒而眾望皆歸於衍衍既廢帝復用沈約之計使伯禽行弒於姑熟衍之罪不可追乎而沈約何得為之操刃也夫齊亦何負於約而主謀大逆宜乎臨使之前有斷舌之夢矣

作事不可在人後

馬仙理袁昂不降衍釋之

東昏侯和帝
始安王遙光與徐孝嗣江祐蕭坦之江祀劉暄六人更直內省蕭衍曰六貴同朝亂將作矣○呼茹法珍為父梅虫兒俞靈韻為兄潘如父寶慶為阿丈每詣寶慶家躬自汲水助厨人作膳最暱潘如嘗鑿金為蓮花貼地令她行其上曰此步步生金蓮也苑中立店肆與宮人奄豎市販而以她為市令自為市錄事有鬪者就潘她罰之自有所失亦就她受杖又自坐店屠肉她當爐百姓歌曰閱武堂種楊柳至尊割肉潘她沽酒○蕭衍兵入戰屢敗猶吝賞賜茹法珍叩頭爭之答曰賊來獨取我耶何獨向我索物○和帝既廢蕭衍欲徙帝巴陵沈約曰不可慕虛名而受實禍乃使鄭伯禽以生金進帝帝曰我死不須金醪醪足矣乃飲沉醉伯禽摺殺之御史中丞顏見遠不食數日而卒○沈約仕梁後見怒於梁武遂病因夢帝以劍斷其舌召巫視之巫言如夢約乃呼道士奏赤章於天稱禪代事不由已出梁武聞之大怒遣中使詰責數至約懼而死以其懷情不盡諡曰隱

帝舌文八字文在右手曰武

謝朓輕舟詣關

陶印景山中宰相謚真白先生

梁高祖

在位四十八年號天監普通大通中大通大同太清

梁祖蕭衍鎮襄陽知齊必亡密修武備兄懿死建牙聚眾遂移齊鼎孝慈恭儉博學能文陰陽卜筮騎射聲律草隸圍棋無不精絕及即位立肺石函以伸冤置孤獨園以賑窮設博士立學建廟以重儒初政可觀繼惑於佛禁文綺人獸形以麪為牲是戒心矣乃浮山築堰萬民魚鼈非忍心乎晚納侯景以三度捨佛之身竟捨於景未曾到極樂世界而先餓死於臺城死之時口苦索蜜不得再曰荷荷而佛何無靈不來救苦哉

李育僭稱帝

兩雜色寶珠
虞寄作瑞雨
頌

熒惑入南斗
天子下殿走

高祖

肺石赤石也。形如垂肺，欲伸冤者，投肺石，函三日聽其詞。○詔文綺不得為人獸形，恐其裁翦宗廟用牲，牢恐累冥道，故以麩爲之。○築淮堰，起民夫二十萬，南起淨山，北抵峴石，負上肩穿，死亡相枕，蠅蟲晝夜，聲合，越二年，堰壞十萬餘口，皆漂入海。○侯景叛，高澄以十三州來附，帝納之。○帝捨身同泰寺，羣臣以錢億萬奉贖，如是者三。○荷荷猶言呵，呵，怨怒之聲。○柳惲性貞素，自少工詩，有亭皋木葉下，隴首秋雲飛之句。王融書之齋壁，及白團扇，帝嘗大會景陽樓，賦詩，惲詩云：太液滄波起，長楊高樹秋。翠華承漢遠，雕輦逐風游。深見嘆賞，惲有少子偃年十二，引見帝，帝問讀何書，對曰：尚書。問有何美句，對曰：德惟善政，政在養民。帝深重之。○蕭琛爲吳興太守，郡廳事有項羽神位，郡人號爲憤王。前後二千石至，皆祭拜廳下，而身避他室。琛至，爲著履登堂，聞室中有叱聲，琛厲色曰：生不能與漢祖爭中原，而乃死據此廳事，何陋也！竟遷之。他廟祀并絕。

梁簡文帝

在位二年
號大寶

永安侯臨難
不悔

張曠有死無
二

侯景東魏之叛臣，正德武帝之養子。正德引景兵渡江，陷臺城，逼武帝，殂。簡文即位，空存天子之名。寄跡虎狼，無日不與死爲伍，觀其聽絲竹之聲，而泣下，聞將軍之號，而心驚，蓋有甚難爲情者矣。帝既禪位豫章王，而景爲湘東所敗，遂移禍於帝。夫湘東之兵不能拔帝於患，難反速帝於死亡，然使湘東按兵不動，能保帝終無恙耶？帝於醉寢之時，求死不得，竟仆絕於土囊之口。太子王侯在建康者，靡有孑遺，亦慘甚矣。

梁書

十四

竹

景祖起兵討

侯景立大碓
擣人偶語者
刑及外族

簡文帝

侯景取帝。帝號陽公主。甚愛之。請帝禊飲。聞絲竹。凄然泣下。景自號宇宙大將軍。帝聞之。驚曰。將軍豈有宇宙之號乎。每廢帝。殺太子。立預章王棟等。又弑帝。廢棟。僭稱漢帝。即位南郊。改元太始。有司請立七廟。景曰。何為七廟。對曰。天子祭七世祖。并請七世之諱。景曰。前世吾不復憶。惟阿爺名標。且在朔州。伊那得來。噉是。帝六歲。即能屬文。辭致精美。武帝嘗嘆曰。此吾家東阿也。目光燭人。讀書十行俱下。九流百氏。經目必記。篇章詞賦。操筆立就。著述甚富。既見廢。自知不久。指所居殿。謂舍人殷不書曰。麗涓死於此。後王偉等進觴。前曰。丞相以陛下幽憂日久。使臣上壽。帝笑曰。已禪位。何得言陛下。遂盡酣。曰。不圖為樂。一至於此。既醉而寢。彭雋進土囊。弑之。太子大器。神明端疑。所親問之曰。殿下居困阨。而神貌怡然。何也。太子曰。若諸叔能滅賊。賊必先見殺。然後就死。若其不然。賊亦殺我。以取富貴。安能以必死之命。為無益之愁耶。及難。顏色不變。徐曰。人知此事。嗟其晚矣。

梁元帝

在位三年
號承聖

長鯨短狐
太平玉燭

士民爭食景
肉并骨俱盡

梁元帝以高祖之子。權上流之重。其舉兵也。名義甚正。但其先不赴父難。其後不奉簡文正朔。包藏禍心。窺竊神器。豈真為父兄討賊哉。僥倖國釁。戕殺本支。梁氏子孫。死於景者。什之一二。死於帝者。什之七八也。獨能滅景。事有可取。既滅之後。正位江陵。不思保國之計。惟躬御龍光。親講老子。魏兵至。柵下猶口占詩。羣臣相和。焚古今圖籍。而曰。讀書萬卷。猶有今日。愚蔽甚矣。卒之身囚烏幔。合門遇害。宜哉。

武陵王紀僭稱帝

武陵兵潰伏誅

元帝
王僧辯東下既屢破景進營石頭景挑戰復大敗景遂不敢入宮議逃去王偉按劍諫曰自古豈有逃天子今宮中衛士尚足一戰奈何走景曰我在北打賀拔勝敗葛榮揚名河朔與高歡一種人南來直渡大江取臺城如反掌打邵陵王於北山破柳仲禮於南岸皆乃所親見今日之事恐是天亡於是仰觀石闕遂巡嘆息久之遂以被囊盛其二子掛馬鞍上與百餘騎東走王偉遂棄臺城竄逸未幾羊鯤殺景其二子景已先墮之水中矣初景有所騎白馬每戰將勝輒躑躅嘶鳴意氣駿逸但奔北必低頭不安及石頭之役精神沮喪臥不肯動景令左右拜請更加箠策終不肯進人謂馬能知亡猶勝於景也王偉素有才藻帝頗憐之朝士乃出其前所作檄文有項羽重瞳尚有烏江之敗湘東一目甯為四海所歸之句帝大怒遂以釘釘其舌於柱刺其腸○景既誅僧辯復上表勸進帝乃使朱買臣密害豫章王棟及其二弟橋穆然後即位簡文三子無故而一日殺之

梁敬帝

在位二年號紹泰太平

附後梁

淵明改元天

成
號大定
號天保
號僭稱宣帝
號僭稱明帝
號僭稱廣運

梁敬帝至金陵羣臣奉迎即位昭明之子督引魏兵弑元帝魏先命之為帝以大統言當以敬帝為正王僧辯奉高祖兄子淵明入東關即位以敬帝為太子陳霸先立爭不從淵明遂去而敬帝復辟二年之中岌岌乎殆哉遭家不造廢興難保霸先得立之亦霸先得廢之而獨悲其不免於弑也惟蕭詧七載稱臣於魏日後梁傳子巋二十四年至蕭琮兩載并入於隋又三世共三十三年

永嘉王莊僭
稱帝號天啟

王琳為丞相
後奉莊奔齊
戰敗而死

昭明太子蕭統高祖長子讀書五行俱下註文選三十卷酷愛山水元圃中穿築亭館偕朝士遊詠其間嘗泛舟後池番禺侯軌盛稱此中宜奏女樂太子不答直詠左思招隱詩云何必與竹山水有清音軌慚性至孝為奸人所誣不能自明抱憤而薨○陳霸先使沈恪引兵入宮衛送敬帝至別宮恪叩頭曰恪經事蕭氏今日不忍見此分受死耳決不奉命霸先乃使王僧志奉帝為江陰王尋弒之○張彪為王僧辯爪牙霸先既殺僧辯并求彪彪與其弟崑崙妻楊氏犬黃蒼乘夜間行霸先將章昭達以干兵躡其後至則彪尚眠未起黃蒼驚吠嚙殺一人彪拔刀出逐遂被殺崑崙亦死之昭達即進迎彪妻改啼為笑請殯彪殯畢謂昭達曰婦人本在容貌辛苦日久請暫入莊飾昭達許之楊人竟以刀割髮毀其面昭達白霸先義之聽為尼黃蒼則晝夜叫家側○蕭譽不好聲色尤惡見婦人雖相去數步亦云遙聞其臭惡見人髮白事者必方便避之檐輿者冬月必須裹頭夏月則加蓮葉帽

敬帝

陳高祖 在位三年
號永定

帝初討李贛
江小暴起七
大賁奔獠

祠蔣帝

陳祖霸先以疎逖小臣三年之內輒遷梁祚甯有殊智巧哉直以義師討賊急君父之難庶幾有慷慨風烈耳且誓不殺一人以代梁故子孫人隋亦不遭誅戮天之報施善人固如此也改玉以來又能奉身儉約為政寬簡具凋儻服眾之才明孤虛遁甲之術適舉甘少惟不任宰相萬幾之眾獨委其事之武夫五六人刑政百未一舉躬蹈捨身而即絕嗣位歸兒子事佛何益其亦梁武之傳歟

陳書

十七

竹

後宮無金翠飾

韋實任魏周之際十徵不起

高祖
帝自少儉不事生產嘗遊義興館於許氏夢天開
數丈有朱衣四人出捧日至納之帝口吞之覺而腹
內猶熱也簡文既廢帝率諸軍討侯景景登石頭城
望之伴謂人曰一把子人何足可打已密謂左右此
軍上有紫氣未易當未幾破景進爵陳王帝既受
禪以劉師知為中書舍人時敬帝在內殿將加害焉
師知詐敬帝令出敬帝覺遽狀走曰師知賣我陳霸
先反我我本不須作天子何意見殺師知執敬帝行
事者加刃焉已還報曰事已了帝曰卿乃忠於我後
莫復爾師知不對曰侯安都杜僧明周文育同侍宴
俱自誇功伐帝曰卿等皆良將而並有所短杜公志
大識暗狎下而驕於尊於其功不收其拙周侯交不
擇人居危蹈險不設猜防侯郎誕傲而無厭輕佻而
肆志並非全身之道卒一一如言交州刺史袁曇
緩曾以金五百金密寄歐陽頔令以百兩還龔為四
百金付兒智矩餘人弗知也頔後家破貲財並盡惟
寄金獨存時曇緩已卒而頔並依前約還之

陳文帝

在位七年號天嘉天康

陳文帝高祖姪也高祖子昌姪頊陷於長安嫡嗣無屬
故召文帝即位制春夏不斷死刑立焚鹽賊併權酷法
可謂恤民矣投籤階石之上鎗然有聲眠亦驚覺可謂
勵精圖治矣周遣杜杲送頊歸南帝待之有加太子柔
弱欲行廢立出自中心而頊固辭孔奐力言乃止夫奐
於君之存逆探其情而求苟合及君既歿權臣移國不
能救嗣主失位不能死而帝謂之遺直託六尺之孤謬
已。

帝起自艱難知民疾苦

荆閩

徐陵彈奏安成王朝廷肅然

周迪伏誅

文帝
杜杲送頭歸帝謂杲曰家第蒙禮遣實周朝之惠然魯山不返亦恐未能及此杲曰安成長安一布衣耳而陳之介弟也其價豈止一城而已哉本朝敦睦九族恕已及物士遵太祖遺旨下思繼好之義是以遣之南歸今乃云以尋常之士易骨肉之親非使臣所願聞也帝甚慚曰前言戲之耳○帝以太子柔弱謂瑛曰吾欲遵太伯之事孔奐曰皇太子聖德日躋安成王足為公旦若廢立臣不願奉詔帝曰古之遺直復見於卿○虞荔少有志操先仕梁雖在參權軸而淡然獨以靜退聞侯景之亂避難鄉里帝踐祚再書迫之出荔不得已應命荔以母沒遭亂情禮不申終身疏食不御滋味弟密又流寓閩中言及輒流涕帝哀而謂之曰吾亦有弟在遠此情甚切他人豈知乃勅求寄於陳寶應寶應不遣寶應有異志嘗令左右誦漢書臥而聽至蒯通說韓信曰相君之背貴不可言蹶然起曰可謂智士寄曰通一說殺三士何足言智豈若班彪王命論識所歸乎遂稱疾不起及寶應滅寄得還朝

陳廢帝

在位二年
宣帝在位十四年
號光大
年號大建

歐陽紇伏誅

沈夫人聖母

江總有潘陸之華無閨綺之質

陳廢帝雖承父業政由叔制立僅二年而宣帝廢之負兄攘姪以有天下詐橫甚矣五后並寵羣宦專權宴遊沉湎貪地侵齊委任吳明徹既得壽陽復望徐兗遂至師敗國蹙且昵愛太子以匪人江總為詹事恣飲宣淫雖青牛却獻焚錦雲龍以示儉德不足取也斯時田龍秋叛入於齊既已擊斬始興王叔陵作亂即已伏誅似可稍安而傳子不才必不能長保其國儲貳之訓夫亦安可少耶

王琳還葬

楊堅稱帝

竇毅女自投

廢帝宣帝
宣帝命吳明徹攻齊壽陽克之殺其刺史王琳後聞周滅齊欲爭徐充為周人所敗將士三萬器械縑重皆沒於周帝先為中書侍郎夜嘗被酒張燈而寐時馬軍主李總自外入惟見牀臥一大籠總駭走避及踐祚雅意節約豫州監陳桃根得青牛於所部獻之詔遣還民又獻織成羅交錦被裘各二詔焚之雲龍門外帝四十二男叔陵第二自幼機辨強梁無所推屈徹夜常不卧令侍者執燭達旦每入朝輒於車中馬上執卷讀書高聲長誦及歸齋閣至自執斧斤為沐猴百戲焉又好遊冢墓遇塋表知名者即發掘取其古器為玩弄具帝祖以謀殺太子伏誅徐陵字孝穆其母嘗夢五色雲化為鳳集左肩已而誕陵陵數歲家人攜謁寶誌上人上人摩其頂曰此天上石麒麟也帝引以善書為當時所推帝嘗披奏事指引署名曰此字筆趣翩翩似鳥之欲飛引謝曰此陛下假其羽毛耳帝又謂曰吾每有所忿見卿輒意解引對曰自是陛下不遷怒臣何預焉人喜其善對

陳後主
在位六年號至德禎明

陳後主撫茲彈丸隋方虎視真臥薪嘗膽之秋也乃全無心肝而寵麗華龔孔二嬪起臨春結綺望仙三閣日引狎客女學士醉歌玉樹後庭花諸曲孔範王瑳偕為長夜之飲瀟灑風流自號無愁天子祀七廟而不出拜三妃而臨軒老臣宿將棄之草莽詔佞讒邪升之朝廷不思先帝之艱難不知天命之可畏諫臣被戮國事不支及朱雀既入而匿井偷生愚矣臨平之湖開黃塵之謠作皆陳祚將亡天實為之也

隋暴陳王二十惡寫三十萬紙偏諭天下

長江天塹限隔南北

六霧四塞

善心亥服
號泣

後主降隋願得一官號隋主曰叔寶全無心肝矣○
後主嘗選宮人有文學者袁大捨等為女學上每賦
新詩互相贈答採其尤豔麗者為曲詞選宮女有容
色者千百數習而歌之其曲指歸大較美張孔二妃
之容色也○有壁月夜滿瓊樹朝朝新之句○祀七
廟七句章華疏中語疏上後主大怒即日斬之○傅
縡子獄中上書極言朝廷缺失終篇有神怒人怨眾
叛親離東南王氣自斯而盡等語書奏後主大怒已
稍解使謂曰我欲赦卿卿能改過否縡對曰臣心如
面臣面可改則臣心可改後主益怒遂賜死既死有
惡蛇屈尾來上靈牀當前受祭而去而復來者百許
日時時聞彈指聲○隋兵入朱雀門後主曰吾自為
計遂投於井隋兵以繩引出之○臨平湖草久塞忽
然自開後主惡之乃賣身佛寺為奴以厭之○童謠
云可憐巴馬子一日行千里不見馬上郎但見黃塵
起黃塵汗人衣皂莢相料理○後主在隋沉醉罕有
醒時隋主問叔寶所嗜監者對曰嘗鹽肉
問飲酒多少對曰與其子第日飲一石

附東西魏

東魏一世止十七年因拓跋修出奔高歡立善見於洛
陽篤好文學從容沈雅究無補於敗亡既禪位高洋乃
下御牀步就東廊口咏後漢書贊曰獻生不辰身播國
屯終我四百永作虞賓所司奏請發曰古人念遺簪傲
履欲與六宮別可乎高隆之曰可遂入與夫人嬪以下
訣莫不欲歔掩涕嬪李氏誦陳思王詩曰王其愛玉體
俱享黃髮期后以下皆痛哭旋出雲龍門王公百僚拜
辭顧謂曰今日不減常道鄉公漢獻帝眾皆悲愴未幾

善見僭稱孝
靜帝號天平
元象興和武
定

寶炬僭稱文
帝號大統凡

十七年

欽僭稱廢帝

凡二年

廓僭稱恭帝

凡三年

附北齊

被弑時梁大寶元年也。西魏三世計二十二年。自拓跋修出奔。軍國大事悉歸宇文泰。泰弑修而立寶炬。具聰明之質而權藉不存。負英毅之才而綱維不肅。傳欽及廓為宇文泰所弑。即為宇文覺所滅。時陳永定元年也。

高歡追稱神武帝

澄追稱文襄帝

北齊高洋。懷朔人也。其七世祖隱。為晉元菟太守。因世

居之父歡。仕魏。誅爾朱氏。執國柄。兄澄為盜所殺。洋即

遷魏祚。因三方鼎峙。繕城郭。修甲兵。臨陣克捷。宇文泰

見軍容整肅。歎曰。高歡不死矣。僭位之後。自矜功業。沈

洋僭稱文宣帝。號天保。凡十年。

殷僭稱廢帝。號乾明。凡二年。

演僭稱孝昭帝。號皇建。凡二年。

酒酣歌。至塗墨。傅粉散髮。雜衣遊行市里。或酷暑隆寒。去衣馳騁。暴身日中。或徵集淫嫗。分付從官。朝夕臨視。以為笑樂。未幾暴卒。先是命邢邵為其子制名。擬名殷。字正道。洋曰。殷家弟。及正字一止。吾身死。兒其不能立乎。邵懼。請改。洋不許。曰。此天也。他日謂弟演曰。奪時但奪慎。勿殺。立不及一年。演果殺之。自立。止兩載。即暴遇疾。親見其兄洋。口言復仇。備極讓厭。病轉劇。其母臨視。問殷所在。昔三演不對。母怒曰。汝殺之耶。死其宜矣。臨終。惟伏枕叩頭求哀。詔弟湛入篡。大統。且囑曰。宜將我

湛借稱武成帝大甯河清凡四年

緯借稱後主統武平降化凡十二年

恆借稱承光凡一年

妻子置一好處勿學前人也。湛立之後愛狎庸豎淫猥無度。李氏嫂屬也。既辱其身又殺其子。過矣。因彗星之見傳位子緯亦驕縱無忌。為製無愁之曲。每自彈琵琶。而令羣臣利之人。傳無愁天子宮掖中一裙直萬匹。一鏡臺直千金馬及鷹犬皆有儀。同郡君之號。鬪雞亦號開府。又於華林園立貧窮村舍。及乞兒市。緯自敝衣為乞食兒。躬詣交易。一旦邊塵告急。挈孀寡身付之幼子。恆周師追迫。卒赤其族。要之北齊。起於高歡盛於高澄。高洋篡魏。傳六世。僅二十八年。并於北周而齊亡矣。

附北周

宇文泰追稱文皇帝

覺借稱孝閔帝凡一年

毓借稱明帝號武成凡三年

北周宇文覺代郡人也。其始祖葛烏兔有孫普回得黃帝玉璽。建國號宇文。北俗謂天子為宇文。因以為氏。十三世生泰。仕魏。征討有功。進封周王子。覺嗣位。年方十五。從兄宇文護移魏祚授之。自恃強果之姿。欲圖殺護。卒為護弒。以身篡祚。旋以滅身。有足悲者。毓覺之庶兄也。雖護擁立。心勿許之。然軍國大權。猶總於護。護進毒。當易簣時。舍子立弟。口授詔書。付託得人。可謂明矣。豈即能誅護。陰以報兄。警明以正王法。英武之君也。尊儒

邕僭稱武帝
號保定天和
建德宣政凡
十八年

贊僭稱宣帝
號天成凡
年

閻僭稱靜帝
號大象大定
凡二年

術斥釋道崇節儉首如嬪撫士以恩用法以斷數年間
平齊士擒高緯功亦烈哉第兵戈屢擾遠征突厥還卽
殞身子贊爲世子時已多失德及嗣位極意逞志自比
上帝不喜人有高大之稱自號天元皇帝每笞捶人以
一百二十爲度名曰天杖至二百四十猶捫其杖痕而
罵曰死晚矣其兇暴如此傳子闡僅七歲后父楊堅廢
之爲介公尋弑之嗚呼宇文泰握魏柄二十餘載至子
覺僭位未久兄弟被弑雖五世止二十五年族滅於隋
慎惡之報不其然哉

戮陳五佞

收天下兵

隋高祖 在位十六年
號開皇仁壽

隋祖楊堅篡周滅陳撫有華夏一三百年之正統真偉
然盛烈也紀綱法度非不犁然第舞知嚴刑一錢一瓜
盜者立斬而且獨孤煽惑楊素構讒廢勇立廣以至廣
惡昭然始抵牾恚曰獨孤誤我晚已然廣之惡亦帝作
俑之也世受周恩女配天元乃乘其孤寡輒行弑滅於
君不忠於女不慈故天令廣託生門內敗檢覆基隨使
化及出自周裔因其貫盈誅戮不佑卒爲宇文報仇誰
言天道其無知耶

王伽縱囚來歸

立廣為太子
天下地震

高祖
帝以盜賊繁多命盜一錢者棄市或三人共盜一瓜
事發即死帝信獨孤皇后言廢太子勇立晉王廣
為太子帝病廣預擬後事為書問楊素宮人誤送帝
所帝大恚陳夫人旦出更衣廣逼之夫人力拒得免
因言於帝帝抵牾而恚曰畜生何足付大事獨孤誤
我因召故太子勇廣遂弒帝并殺勇等廣封小金盒
賜陳夫人發之乃同心結也夫人恚而御之以官人
強乃拜使者龍門王通獻太平十二策上不能用
罷歸教拔河汾弟子問息詢曰無辨問止怨曰不爭
又口聞詢而怒者讒之因也見譽而喜者佞之媒也
絕國去媒讒佞遠矣卒於家私諱又中子辛公義
為岷州刺史岷俗畏病一人病合家避之死者益眾
公義欲變其俗因徧檢部內病者悉輿至廳事暑月
疫時病者或至數百廳廊悉滿公義乃獨設一榻其
間日夕對之理事所得俸人盡以市藥材復躬親其
飲食於是病者多起因召其親戚諭曰死生有命豈
因相築汝前棄之所以死耳諸病家子
孫慚謝合境呼為慈母俗自是亦變

作清夜遊曲

始建進士科

築長城

東都大有人在

隋煬帝

在位十二年
號大業

恭帝
在位一年
號義甯

附
隋亦曰恭帝
號皇泰

隋煬帝弒父殺兄而自立築西苑剪綵為花窮極奇麗
幸江都挽龍舟八萬餘人照耀川陸北巡榆林呼韓稽
顙諸番入市百戲雜陳糜費動輒萬萬卒令海內騷然
盜賊蠭起八年以來每夜眠中恆驚悸云有賊後尤不
自安幅巾短衣顧影不足乃引鏡照曰好頭頸誰當斫
之言未已而化及即行弒焉與空梁庭草之寃報德高
公之枉同歸於盡矣曰侑曰侗雖並稱恭帝直至布席
禮佛願世世勿復生帝王家不甚悲乎

外間大有人
圖儂

王簿目稱知
世郎作無向
遼東浪死歌

李世民說父
起兵
淵女號娘子
軍

江南楊花落
江北李花榮

楊帝

車駕發榆林突厥奉觴上壽帝大悅賦詩云呼韓稽
顙至屠耆接踵來何如漢天子空上單于臺○諸番
來朝陳百戲於端門以示之入市命食店邀入醉飽
不取其直給曰中國豐饒酒食例不取直其點者覺
之見繪帛纏樹曰中國亦有貧者何弗以此與之纏
樹何為○帝善屬文不欲人出其右薛道衡死帝曰
更能作空梁落燕泥否王胄死帝曰復能作庭草無
人隨意綠耶○先高頴入建康帝馳告令留張麗華
頴斬張帝聞之變色曰無德不報吾必有以報高公
卒殺之○帝幸江都作詩云求歸不得去真成遭箇
春鳥聲爭勸酒梅花笑殺人是年盜賊蠶起道路阻
絕遂無歸心以春三月被絺蓋遭春之應也○盛修
儀仗詔課州縣送羽毛民求捕之殆無遺類烏程有
高樹踰百尺上有鶴巢民欲取之不可得將伐其根
鶴恐殺其子自拔髦毛投地○徵求螢火得數斛夜
出遊山放之光徧巖谷○有石自江浮入於楊子白
光四散如流血帝
惡之未幾被絺

附隋末唐初諸人

參唐書

魏李密字元邃襄平人幼入衛煬帝見而問之宇文述
曰蒲山公李寬子密也帝曰是兒瞻視非常毋入衛
已謝去感憤讀書聞包攷在綠山往從學以蒲驪乘
牛挂漢書一帙角上且行且讀越公楊素道遇之謂
曰何物書生勤乃爾因問所讀何書曰項羽傳素陰
奇之歸語其子元感元感遂與密為別頸交元感之
謀逆也密進三策曰天子遠在遼海公若長驅入薊
直扼其喉前有高麗退無歸路不戰而擒此上計也
關中四塞吾批亢擣虛傾其根本為我造基此中計
也若隨近先向東都引歲月則計之下矣元感曰
公之下計乃謂上策密知計不行退謂人曰楚公好
反而不求勝吾屬為虜矣未幾元感敗密潛竄淮陽
變姓名劉智遠聚徒教授村舍鬱鬱不得志為賦詩
詩成泣下數行時人怪之以告太守太守捕之密復
亡歸東郡賊翟讓讓敗密殺之稱魏公建元永平三
年與王世充戰敗降唐封邢國公後復叛盛彥師擊

隋書

三十六

竹

之斬

吳

李通沂州人少貧以漁獵為生初依長白山賊大業十一年自稱楚王攻陳稜於江都沈法興杜伏威不能救稜奔子通遂入據之武德元年僭稱吳帝建元明政凡三年敗奔餘杭因降伏威執送京師後叛誅

楚

林士弼鄱陽人初與鄉人操師乞為盜師乞自號元興王建元天成大業十二年據豫章為隋將劉子翊射死士弼收其眾復戰殺子翊遂大振據虔州僭稱楚帝建元大平凡五年敗於蕭銑銑亡唐趙郡王孝恭攻之敗死

幽州

羅藝初為虎賁郎將大業十二年起兵涿郡殺太守自稱幽州總管武德二年降唐賜姓李封燕郡王貞觀元年復反攻拔幽州統軍楊亥攻走之其下斬之傳首長安

梁

蕭銑梁宣帝曾孫初為羅川令嶽陽兵起推銑為主大業十三年僭稱梁帝建元鳳鳴凡四年唐遣趙郡王孝恭與李靖伐之斬於長安都市

翼建德濟南人初人高雞泊為盜大業十三年據河

間之樂壽自稱長樂王國號夏曆元丁丑又改五鳳

凡四年將兵救王世充為唐秦王所殺

東海高士達大業七年聚眾清河自稱東

海公隋將楊義臣擊斬之建德領其眾

濟陰孟海公大業九年起兵眾至數

萬見人稱引詩書輒殺建德虜之

燕王須拔大業十一年起兵自稱漫天王眾至十餘

萬中流矢而死魏刀兒領其眾自稱懸山飛北連突

厥南寇燕趙大業十二年僭稱魏帝

太原留守李淵破之建德并其眾

薛舉金城人大業十三年隴西盜起與子仁果劫縣

令起兵發粟濟貧自號西秦霸王據隴西僭元秦興

隋書

二十七

竹

凡三年唐秦王滅之

定揚 劉武周景城人 大業十三年斬太守王仁恭開倉賑饑得兵萬餘 略突厥立為定揚可汗 尋僭稱帝

號天興 凡四年

梁 唐秦王滅之 梁師都朔方人為郡豪姓 大業十三年結徒為盜殺郡丞唐世宗 據郡稱大丞相 尋僭稱梁帝 號永隆 數

引突厥人寇 貞觀二年大兵伐之 其弟洛仁斬首以降 凡十二年

長樂 李子和蒲城人 本姓郭 以罪徙榆林 大業十三年郡饑 子和與死 上十八人殺丞開台 賑饑自稱永

樂王 僭號丑平 南連梁師都 北事突厥 始畢可汗 冊子和為平陽天子 不敢當 乃更署為左利 設武德元

年 獻款授靈州總管 後轉黔州都督 卒

許 字文化 及武川人 述之長子弟 智及尚南陽公主 智及素狂 勸兄化及 祗煬帝於江都 立秦王 浩西歸 在

黎陽與李密戰不利 兵勢日促 兄弟計無復之 惟羣聚酣宴 奏女樂 醉後輒尤 智及曰 我初不知 都由汝為計 今所向無成 負殺主名 滅族豈不由汝 智及大怒 曰 事捷不聞 歸功汝 乃歸罪 何不殺我 降建德 已醒 則復飲 以此為恆 化及自知必亡 嘆曰 人生故當死 豈不一日為天子乎 於是遂場殺 浩自稱許帝 僭元天壽 未幾 竇建德斬之

涼 李軌姑臧人 義甯二年起兵 自稱河西大涼王 尋僭稱帝 號安樂 凡三年 為唐所滅

梁 沈法興武康人為吳興郡守 義甯二年 江都亂 遂起兵 至毘陵 據其城 自稱梁王 僭元延 康凡二年 將兵

救陳稜 以擊李子通 反 為所敗 自沈於江而死

楚 朱粲城父人 初亡命為盜 自稱迦羅樓王 義甯二年 自稱楚帝 僭元昌 達凡二年 殘殺無道 掠婦人 孺兒

蒸食之 謂其徒曰 味之美 甯有如人者 尋敗 降唐 復叛 奔世充 東都平 斬洛水上 士庶 競擲瓦礫 擊其尸

須臾
若冢

鄭

王世充字行滿祖西域胡號支頽後徙新豐死妻
歸霸城人王燦子收從之冒姓王生世充豺聲卷髮
善以口舌緣飾人不能屈煬帝時李密逼東都以充
有將略使為將軍屯洛口會江都弒逆越王侗立封

鄭國公武德元年遂矯制策禪位國

號鄭僭元開平凡三年唐秦王滅之

吳劉元進大業九年起兵眾至數

萬據吳郡僭稱天子世充討平之

祝阿盧明月大業十年起兵眾至

四十萬自稱無上王世充破之

盱眙孟讓大業十年起兵長白山

眾至十萬入據梁宮世充破之

燕格謙大業十二年起兵眾至

十餘萬自稱燕王世充斬之

燕高開道信陽人世煮鹽為生初依河間賊武德元年

據北平漁陽自號燕王先是懷戎俘圖高曇晟殺縣

令潛稱大業皇帝號法輪開道為兄弟從之開道

殺曇晟并其眾僭稱帝號始安凡六月愛將張金樹

之縊殺

漢東劉黑闥漳南人初亡命為盜後為竇建德將建德

五年稱漢東王號天造凡一年唐秦王擊走之後復

引突厥入寇唐將諸葛德威執送太子建成斬之

宋輔公祿臨濟人隋季與鄉人杜伏威為盜擊敗李子

通後伏威歸唐封公祿為淮南道行臺僕射武德五

年伏威入朝封吳王公祿居守遂舉兵反僭稱宋帝

據陳故宮以張善安為西南道大行臺善安降唐公

祿勢遂衰凡二年唐趙郡王孝恭

擊斬之傳首京師善安亦伏誅

魯徐圓朗兗州人隋末為盜據本城擁兵二萬先附李

魯

密敗歸竇建德會黑闥兵起執葛國公盛彥師應

之武德五年自號魯王凡一年唐淮安王神通與

李世勣合兵攻之圓朗棄城夜走為野人所殺

隋書

二十九

竹

樂

周衰有前漢虞公者善歌歌能令梁上塵起秦青者善謳薛談學謳於青未窮青技忽辭歸青餞之郊為撫節悲歌聲振林木響遏行雲談遂留不去以卒其業又有韓娥者東之齊至離門糧匱乃鬻歌假食既去餘響連梁三日不絕過逆旅逆旅人辱之娥因曼聲悲歌一里老幼俱悲愁垂涕三日不食遠追之韓娥還為曼聲長歌一里復喜躍忡舞忘其向之悲也因厚遺之去

五行

晉惠帝世梁國女子有已受聘而未嫁者其夫戍長安經年不歸女家更以適人女不樂行父母逼之不得已去尋得病亡其後夫還問女所在家人具道所以夫不勝哀悼往省女墓私發冢開棺哭之友遂活因與俱歸後壻聞訟之官官不能決以聞於朝秘書王導議還前夫詔從其議晉安帝時無錫人趙朱年八歲一日暴長八尺鬚髮卓然三日而死

王鎮惡

鎮惡王猛孫也五月五日生猛奇之曰昔孟嘗君生惡日而相齊是兒亦必興我門矣遂名鎮惡年十三苻氏敗投麗池入李方家方善遇之鎮惡謂方曰若遭英雄主取萬戶侯當厚相報方曰君丞相孫才調如此何憂不富貴至時願見用為本縣令足矣後從高祖入關定三秦師次麗池造方升堂拜其母厚加酬賚即授方麗池令關中既定鎮惡收子女玉帛甚盛帝以功大置之時有白鎮惡異志者帝陰使人覘之見其方剝取飾輦金銀而棄輦於垣側乃稍安帝將東歸留子勳鎮惡長安命鎮惡與沈田子王脩請人為輔時田子方與鎮惡爭功帝私謂田子曰鍾會不得遂其亂為衛瓘等在也語曰猛獸不如羣狐有卿等十餘人何懼鎮惡於是帝發未幾而田子遂襲殺鎮惡王脩因殺田子

徐湛之

湛之高帝姊會稽公主子帝微時甚貧嘗於新洲伐荻服衲布衫襖皆敬皇后手製帝既貴以此衣付公主曰後世若有驕奢不節者可出此示之及湛之得罪文帝

宋書

三十

竹

將致辟公主急持錦囊入宮見帝不及行禮竟從囊中取衲衣擲地示上曰汝家本貧賤此是吾母為汝父手製衣今日有一頓飽飯便欲戕害我兒子上乃釋湛之

劉邕

邕嗜食瘡痂以為味似腹魚嘗詣孟靈休靈休先患炙瘡痂落牀上邕輒取食之靈休大驚邕曰吾性好嗜此於是靈休瘡痂未落者悉攬取以飽邕邕既去靈休與何勗書曰劉邕向顧見噉遂舉體流血後為南康史二百許人不論有罪無罪遞與鞭鞭瘡痂用以給贖

劉伯龍

伯龍少家貧及長歷位尚書左丞少府武林太守而貧益甚一日在家慨然曰左右商什一之方忽然一鬼在旁撫掌大笑伯龍乃嘆曰貧固有命耶乃復為鬼笑遂止

羊欣

欣沈覽經籍尤工隸書年十二時從父烏程會王獻之為吳興太守甚相知愛獻之嘗夏月入縣欣方著新絹裙畫寢獻之輒書裙數幅而去欣本工書因此益善

顏延之

延之有才名性狷介長子竣既貴重權傾一朝延之心惡之資供絕不受嘗乘羸牛車逢竣鹵部即屏住道側謂竣曰吾平生不喜見要人今不幸見汝竣大起宅延之謂曰善為之母令後人笑汝拙也嘗早過竣見賓客盈門而竣猶臥未起怒曰出糞土之中升雲霓之上而驕盈若此其能久乎卒敗

謝莊

莊字希逸七歲能屬文文帝見而奇之曰藍田生玉豈虛也帝嘗命羣臣作赤鸚鵡賦時袁叔文名籍甚賦就以示莊及見莊賦歎曰江東無我卿當獨秀遂匿其賦不出莊始知隔千里兮共明月帝名莊語之莊應聲曰矣但莊始知隔千里兮共明月帝名莊語之莊應聲曰大笑孝武嘗賜莊寶劍莊以與魯爽後爽叛帝偶因宴問及劍所答曰昔與魯爽別竊借為陛下杜郵之賜矣時爽叛故云人多其敏辯

謝孺子

宋書

三十一

竹

孺子少與族兄莊齊名精聲律車騎將軍王或孺子姑
子也嘗宴銅臺孺子吹笙或自起舞既而嘆曰今日真
使人飄飄有伊洛間意孫徵亦有高韻嘗奉詔賦詩三
十韻限三刻成而徵以二刻便就詩甚美

謝靈運

靈運晉車騎玄孫也文章與顏延之齊名尤精書每為
又手自寫之文帝稱為二寶生平好奇標異所御輿服
多別立新製世咸宗之以為謝康樂式也自負才地當
參權要而朝廷每以文士遇之意鬱憤遂放情山水鑿
山浚湖登峯陟嶺不憚幽險常著木屐上山則去其前
齒下山則去其後齒自始甯南山伐木開徑至臨海
從者數百臨海太守王琇駭為山賊已知靈運乃安已
改臨川內史遊放不異永嘉遂為有司所糾司徒遣使
收之靈運乃與兵自固為詩曰韓亡子房奮秦帝仲連
恥本是江海人忠義感君子使者執送廷尉上猶原之
徙廣州後竟棄市

謝惠連

惠連族兄靈運每云吾有篇章但對惠連輒得佳句一

日於永嘉西堂思詩竟日不就其夕忽夢惠連凱得池
塘生春草句大以為工云此有神助非吾語也

范曄

曄家樂器服玩並極精麗妓妾皆有盛飾而母所棲止
甚單陋惟一厨盛樵薪耳弟子冬無被叔父單布衣曄
絕無所顧惜士論以此少之

王韶之

韶之家貧嗜學嘗絕糧三日而不輟卷家人謂之曰窮
如此何不耕韶之答曰我常目耕耳時王准之亦以學
業著曾祖彪之祖臨之父納之並博聞強識練習朝典
家世相傳集江左舊事緘之青箱世號王氏青箱學

營道侯義綦

綦封營道侯為始興王濬兄弟所戲弄濬嘗謂綦曰陸
士衡詩云營道無烈心其何意苦阿父如此綦曰士衡
初不相識不知何以忽見苦人競傳為笑柄

劉韞

韞才凡鄙為湘雍二州刺史嘗使善畫者圖其出行鹵
簿羽儀時自披覽一日以圖示蔡興宗興宗陽若不解

宋書

三十二

竹

者指韞像問曰此何人而在輦上韞曰正是我世為傳

劉德願

願性粗鄙為孝武帝所狎帝寵殷貴妃妃薨既葬僧數與羣臣省妃墓一日願謂願曰卿哭貴妃若悲當加厚賞願應聲號慟撫膺擗踊涕泗交流上悅以為豫州刺史帝又令醫人羊志哭妃志遂大哭他日人問志卿那得此副急淚志答曰吾自哭亡妾耳蓋志時新喪妾也

始安王休仁

廢帝狂悖無道嘗於休仁前使左右逼淫休仁生母楊太妃左右不得已並順命次至右衛將軍劉道隆道隆曲意奉旨盡諸醜狀一日欲殺明帝令僕之縛手足以杖貫其隙使人擔付大官曰即日屠豬休仁笑謂曰今日未應死帝問其故休仁曰待皇子生殺豬取其肝肺帝乃意解曰且付廷尉一宿出之時廷尉劉曠妾孕臨月帝迎入後宮冀生男立為太子故云其後休仁竟殺於明帝

范柏年

柏年與明帝言及贛州貪泉因問梅嶺州有此水否對曰梁州惟有文川武鄉蕪泉讓水又問卿宅在何處答曰臣所居在廉讓之間

劉休

明帝甚惡妒婦休妻王氏妒帝聞之為賜休妾勅與王氏二十杖仍令於宅後賣阜萊掃帚以辱之時尙書右丞勞彥遠者以善恭親於帝而婦妒傷其面帝見詰知之謂曰吾為卿斷此患何如彥遠應爾爾其夕齋鳩賜死

袁粲

粲清整有風操嘗謂人曰昔有一國國中一水號曰狂泉國人飲此水無不狂者惟國君穿井而汲獨無恙國人既並狂反謂國主之不狂為狂於是聚謀其執國主療其狂疾火艾針藥莫不畢具主不任其苦亦到泉所酌水飲之飲畢便狂君臣大小其狂若一眾乃懼然今我不狂難以獨立比亦欲飲泉其大致若此蕭道成將革命粲自以身受顧託恥事二姓與宗室劉彥節深相結謀起義道成覺遣戴僧靜攻之粲知事不濟還坐

宋書

三十三

竹

列燭自照謂其子最曰本知一木難支大厦徒以名義不能沒沒耳僧靜舉刃最抱父大叫乞先死時兵士入入墮淚祭曰我不失忠臣汝不失孝子仍舉筆作啓云臣諱奉大宋矢無二心今使歸魂墳隴永就邱山投筆遂遇害祭既遇害有幼兒方數歲乳母攜之投祭門生狄靈慶靈慶曰吾聞出郎君者有厚賞乳母號呼曰公昔於汝有恩故冒難歸汝若殺郎君以求利神明有知行見汝滅門也兒竟死兒存時故嘗騎一大龍狗戲死後年餘忽有狗走入靈慶家遇靈慶於庭即嚙殺之併嚙殺其妻乃即袁郎向所騎狗也

齊書

參南

始興王鑑

鑑高祖子在益州時有盜發古冢者得銅器十餘種並古形玉璧三枚金銀爲蠶蛇形者數斗諸珍寶甚多皆不可識又以朱沙爲阜水銀爲池左右咸勸取之鑑曰皇太子昔在雍有發古冢得玉鏡玉屏風之屬盡將還都吾心非之今安得躬蹈此乃命功曹爲起墳諸物一

不得犯 時有段祖者劇清于於鑑滄千古祀器也高三尺六寸六分圍三尺四寸圓如箭銅色黑如漆薄甚上有銅馬以繩繫馬令去地尺餘灌之以水又以器盛水於下以芒莖當心跪注滄于以手振芒則聲如雷清響良久乃絕古所以節樂也

衡陽王鈞

鈞高祖子性嗜文學嘗手寫五經置巾箱中曰巾箱中有五經既便檢閱且一更手寫則永不忘於是諸王爭效之世傳巾箱五經

王敬則

敬則本武人與王儉俱進開府儀同時徐孝嗣侯儉嘲儉曰今日可謂連璧儉曰不意老子遂與韓非同傳孝嗣大笑人以告敬則敬則欣然曰我南沙縣吏僥倖逮風雲以至此武帝嘗令羣臣賦詩敬則撫其紙曰臣幾落此奴度內帝問何故答曰臣若解書不過作尙書郎令史耳那得今日

張敬兒

敬兒饒膂力而性貪殘鎮襄陽見人間一物堪用必奪

齊書

三十四

竹

取嘗於城西起宅欲移羊叔子墮淚碑而於其處置臺
或諫曰此羊太傅遺蹟不宜輕徙敬兒曰太傅是誰目
不識字及為方伯始習讀孝經論語初在宋世本名狗
見其子即名豬兒宋明帝為敬兒豬兒亦改恭兒

劉善明

善明少立節行嘗言在家當孝作吏當清已累歷州郡
頗驥賄崔祖思怪而問之流涕答曰管子有云叔牙知
我方寸亂矣豈暇為廉蓋善家青州魏克青善明母在
焉徙置代郡所得金錢盡以贖母及母至而清節仍峻
及卒家無別儲惟書八千卷高帝聞其貧賜葛塘屯穀
五百斛曰葛市亦吾之垣下也

孔珪

珪風韻清疏好文嗜飲與外兄張融情趣相得又與王
思遠何黯交居恆惟尋訪山水凭几獨酌每飲輒七八
斗門庭之內草萊不剪頗有蛙鳴或問之曰欲為陳蕃
乎珪笑曰何必效陳蕃吾以當兩部鼓吹耳王晏嘗鳴
鼓吹候之聞羣蛙鳴曰殊聒人耳珪曰我聽鼓吹殆不
此及晏為之薄

張緒

緒為太子詹事每朝見武帝必目送之謂王儉曰緒以
位尊我我以德貴緒時益州獻蜀柳數株葉甚長狀
如絲縷舊宮苑始成帝命植靈和殿前賞玩咨嘆
久之曰此楊柳風流可愛似張緒當年

張融

融玄義無師法而神解過人高談無對高祖素愛之常
笑曰此人不可無一不可有二武帝一日問融住何處
對曰臣陸處無屋舟居非水他日上以問融兄緒緒曰
融近東出未有居止權牽一小船於岸上住上大笑
時有薛伯宗者善徒癡疽公孫泰患背疽伯宗為氣封
之徙置齋前柳樹上明且直消樹便起一瘡如拳大稍
稍長二十餘日瘡大潰爛出黃赤汁斗餘樹為之痿損

陸澄

澄以博物著竟陵王子良得一古罽小口方腹而底平
可將七八升以問澄澄曰此名服匿單于以賜蘇武子
豆詳視器底有字可識果如澄言

巴陵王子倫

齊書

三十五

竹

明帝之殺子倫也。使茹法亮圖之法亮，以屬典籤華伯茂。伯茂齋鳩毒倫，左右莫敢動。倫整衣冠受詔，徐謂法亮曰：「積不善之家，必有餘殃。昔高帝滅劉氏，今日之事，理數固宜。亦復何怪？君是我家舊人，今街此命，當由事不獲已。此酒非勸酬之具，不敢相先。遂仰之盡而卒。」先是高帝為諸王置典籤，一方事悉以委之。入覲則刺史黜陟皆憑其口。於是權重諸藩，莫敢衡命。

梁書

豫章王綜

綜武帝第二子也。吳淑媛先寵於東昏，入梁帝幸之。七月而生綜。已淑媛寵衰，願望綜年十四，五夢一年少貌甚肥，自挈其首對綜，如是者非一。綜心怖，頗問淑媛淑媛，摹其狀似東昏，因密語之。汝七月日生兒，安得比諸皇子，幸勿洩綜遂相抱，哭自是每於靜室中閉戶籍地披髮席箕，輕財結上，以伺風雲。又常於齋內布沙地上，終日跣行至日三百里，以習勞也。外人並知其有異。

而帝不疑。綜在四州，每逢歲時，即於別室祠齊氏七廟，又累微行至曲阿拜齊明帝陵，然猶無以自信。聞俗說以生者血灑死者骨，滲即為父子。遂私發東昏冢，出其骨，又試之，又滲。於是乃密求北來道人法鸞，使入北通於蕭寶寅，謂為叔父，因以通於魏。久之，謀出鎮彭城。一夕馳三騎，開北門，竟奔蕭城，自稱隊主。見元延明而拜，問名氏，不答。有識綜者曰：「豫章王也。」遂送洛陽。武府聞大駭，削其屬籍。綜在魏不得志，為作聽鐘鳴悲落葉等篇，當世悲之。

武陵王紀

紀僭號於蜀，改元天正。時永豐侯搆嘆曰：「王不免矣。昔桓元建號大亭，識者為之二月了。而元敗，實在仲春。今日天正在文為一止，其能久乎？未幾敗，先是王將僭號，丙寢殿栢柱，纏節生花，其莖四十有六，羅靡可愛。狀若荷花，識者比之王敦叔花井佳事也。」

獸為吳興郡守，與楚王廟神交，懼恒至一斛，每酬祀必

盡權極醉神影亦有酒色有禱必驗後為益州刺史江
陽人齊狗兒反率眾十萬攻州城獄乃遙禱請救是日
田老逢一騎從東來問去城幾里曰百四十時日已脯
騎舉稍日後人來及日破賊俄有數百騎過捷疾如風
田老問為誰曰吳典楚王來救臨汝侯當是時廟中侍
衛士偶皆濕如汗云

沈約
約侍武帝宴有一妓師是齊文惠時宮人帝問之曰識
坐中客不妓曰惟識沈家令耳約伏地流涕帝亦愴然
約晚年昧榮利每進一官必殷勤請退終不能去論者
方之山濤約孫衆亦有文詞帝常召見合為竹賦賦
成上之帝勅報云卿文體翩翩可謂無忝爾祖已降侯
景復仕陳以非毀朝政賜死

魏降人王足獻計請堰淮水以灌青陽武帝然之為作
浮山堰絢董其役夾之以堤并樹杞柳軍人安堵列居
其上其水清澈俯視之居人墳墓了然皆在其下及秋
淮水暴漲堰決奔流入海殺數萬人其初崩也聲若巨

雷聞三百里水中怪物隨流騰逝或人頭魚身或龍形
馬首者不可勝計

何肩
肩先仕齊為祭酒恒懷止足築室郊外號曰小山初肩
兄求點並棲遁至是肩又隱世號點為大山肩為小山

江淹
淹字文通少孤貧慕長卿伯鸞之為人博物多識雅好
著述自宣城太守罷歸泊禪靈寺渚夜夢一人自稱張
景陽謂曰前以一匹錦相寄今可見還淹探懷中得數
尺與之其人大恚曰那得割截乃爾顧見邱遲取以付
之又嘗宿治亭夢一人自稱郭璞謂曰吾有筆在卿處
多年可見還淹乃探懷中得五色筆一以授之自是文
思漸壘絕無佳句時謂之才盡

任昉
昉性至孝尤好士多所獎借經其延譽者每見升擢而
清約無營其自郡還臺也至衣不能全後復出守新安
卒於官有子四人皆流離不克振生平舊交莫有相收
恤者次子西華嘗於冬月著葛屨練裙道逢劉孝標泣

然矜之謂曰我當為卿作記因著廣絕交論論成到海見匱抵之地終身恨之蓋澆嘗藉昉延譽也

張率

率年十二能屬文至十六詩賦頌已及二千餘首有虞訥者見而詆之率乃一旦焚毀更為詩示訥詭云此沈約作也訥便句句嗟稱無字不善率徐曰是吾作耳訥大慚後武帝見其詩賦勅曰相如工而不敏枚皋敏而不工卿可謂兼二子於金馬

羊侃

侯昇之圍臺城也初為尖頂木驢來攻矢石不能制侃作雉尾炬施鐵鏃灌以油擲驢上焚之立盡俄又東西兩面起土山臨城中震駭侃命為地道潛引其土山不能立賊又作登城樓車高十餘丈欲臨射城內侃曰車高墜虛彼來必倒可臥而觀之無勞設備矣車動果倒賊既頻攻不克乃築長圍朱昇等議出擊之侃曰不可賊久攻不克其立長圍欲引城中降人耳今擊之兵少不足破賊若多萬一失利門隘橋小自相蹂踐必大挫衄此自弱也昇不從一戰敗退爭橋赴水死者大半

後大雨城內土崩賊乘之垂入侃令多擲火把為火城以斷其路而徐於內築城賊卒不能進未幾侃遘疾卒

陳書

參南

侯安都

文帝之立安都自以定策功驕倨無忌每有表啓既封訖或復開封書云又啓某事嘗陪宴樂遊苑忽問帝曰何如帝臨川王帝不應復再三詰之帝曰此雖天命抑亦明公之力安訖又啓借供帳明日將載妻妾遊御堂帝勉許之及明安都來自坐御座賓客居羣臣位稱籟上壽自是帝陰為備

吳明徹

明徹幼孤有至性年十四悲先人墳塋未備勤耕以為地會天大旱苗稼焦枯徹哀憤為號泣田間仰天自訴如是者累日苗忽更生及秋大獲足充塋用已位通顯家有粟三千餘斛而鄰多肌餓時所在盜賊蜂起徹謂兄曰與其為盜齋局若與鄰里共之於是計日散給畧盡羣盜聞而去之

陳書

三十八

竹

陳暄
暄才俊逸放浪無檢後主在東宮時引為學士與孔範
等並為狎客嘗侮之至倒懸於梁臨之以刃或使作賦
仍限以晷刻暄亦援筆即成而傲弄轉甚一日搏艾為
帽加其首以火蒸之然及髮暄號泣之聲徹外賴衛尉
柳莊得釋

岳陽王叔慎

揚素兵下湘州州內將士謀且降叔慎置酒大會酒酣
嘆曰君臣之義盡於此乎長史謝基伏地流涕時遂興
侯正理憤然起曰主辱臣死諸君獨非陳臣乎縱其無
成猶見臣節遂與眾盟遣人詐降誘素將雁暉伏甲斬
之已素兵至叔慎被殺

魯廣達

廣達少慷慨立志功名隋兵入廣達躬擐甲胄手執桴
鼓拒賀若弼於鍾山若弼為之屢退已勢不支乃解甲
面臺再拜慟哭曰我不能救國負罪多矣士卒皆涕泣
後入隋道痛本朝憤鬱而死

蕭摩訶

蕭摩訶中隋將賀若弼承虛襲京口摩訶請兵逆戰不許
若弼至鍾山摩訶又請曰賊懸軍深入聲援尚遠壘壘
未堅出兵掩襲必可大克後主又不許及隋軍大至後
主乃言公可為我一決摩訶曰從來行陣為國為身今
日之事兼為妻子已出軍諸將支離陣未合而先潰摩
訶無所用力被執見若弼時後主已先被幽摩訶請曰
今為囚虜命在斯須願得一見舊主死無恨弼許之摩
訶入見於德教殿俯伏號慟仍入舊厨取食進後主辭
訣而出守衛者至莫能仰視

袁憲

憲為尚書僕射隋軍入朝堂百官皆走獨憲侍不去後
主謂曰今日可謂歲寒知松柏也非隆由我無德亦是
江東衣冠道盡後主將避匿憲正色曰大事至此避將
安之臣願陛下正衣冠御前殿依梁武見侯景故事後
主不從下榻馳走憲從出景陽殿後主忽投井憲哭拜
而出

南朝外國

南朝

三十九

竹

阿羅單末書

元嘉七年國王遣使獻金剛指環赤鸚鵡十年奉表稱
常勝天子陛下十三年又上表稱大吉天子足下

林邑

林邑王范楊邁初產時母夢人以金席藉之光色奇麗
遂名楊邁場邁者華言紫磨金也邁死子咄立慕其父
仍改名楊邁林邑古越裳界即漢馬援植兩銅柱處
國有金山石皆赤色其中生金金夜則出飛狀如螢火
又有吉貝吉貝樹名也其華如鵝毳抽其緒紡之以作
布潔白與紵同可染色又有沉水沉水者土人斫斷積
以歲年朽爛而心節獨在置水中則沉不沉不浮者曰
後香國不設刑法有罪者使象踏殺之嫁娶必八月女
先求男參梁書

芮芮

芮芮者塞外雜胡也元魏既南芮芮盡有匈奴故地其
國相希利亞解星算術數嘗言南方必有姓齊者當興
太祖踐祚遣使入貢書稱上為足下自稱吾齊書

扶南

扶南東界即大漲海海中有大洲洲上有諸薄國國東
有馬五洲復東行漲海千餘里至自然大洲其上有樹
生火中火人剝其皮紡績作布以為手巾若小垢汗則投
之火更復精潔或作燈炷用之不盡南界三千餘里
有頓遜國其國迴入海中千餘里漲海無崖岸船不
得經過市東西交會日有萬餘人珍奇異寶無所不有
又有酒樹似安石榴采其花汁停瓮中數日便成酒
扶南國文身披髮不製衣裳王女人號柳葉年少壯健
似男子其南激國有事鬼神者字混填夢神賜之弓乘
賈船入海填晨起詣廟果於神樹下得弓便依夢乘船
入海至扶南外邑柳葉人眾見船欲劫取之混填張弓
射及侍者柳葉大懼舉眾降填填教柳葉穿布貫頭形
不復露遂君其國納柳葉為妻扶南無牢獄訟者齋
三日燒斧極赤令訟者捧行七步又以金環雞卵投沸
湯中令探取無實者手即爛有理則不於城溝中養
鱷魚門外圍猛獸有罪者輒以餒之魚獸不食為無罪
三日乃放參南史

毘騫

南胡

四十

竹

毘騫去扶南八千里傳其王身長文二頭長三尺古來不死莫知其年其子孫生死如常人王甚神國人善惡及將來事皆知之無敢欺者山出金金露出石上無所限國法刑罪人並於王前食其肉

婆利

婆利在廣州東南海中土氣蒸熱如中國之盛夏穀一歲再熟草木常榮其王頭著金冠坐金高坐以銀蹬支足天監中遣使貢金席白鸚鵡等物表文略云伏惟皇帝是我真佛臣是國王今敬稽首聖王足下惟願大王知我此心此心久矣非適今也云云

中天竺

中天竺即身毒國地方三萬里列國數十人民敦龐土地饒沃國有恒水味甘美下有真鹽色正白如水晶產火齊瑋瑁金銀等物火齊狀如雲母色如紫金有光耀薄如蟬翼積之則如紗縠之重皆西與大秦安息交市市珊瑚金碧珠璣玕鬱金蘇合等物蘇合者合諸香汁煎之非自然一物也鬱金獨出罽賓國華色正黃而細與芙蓉華裏被連者相似國人先取以上佛寺積日

香稿乃糞去之

人所賣他國皆糞去物也左右有嘉

維葉波等十六國去天竺二三千天監初中天竺王遣使獻方物表文未云大王若有所須珍奇異物悉當奉送此信還國願賜一使具宣聖命望不空還云云

師子

國在天竺旁舊無人民正鬼神及龍居之諸國商賈來市俱不見形但出珍寶顯其價值商賈依值取之諸國人聞其土樂競往焉遂成大國晉義熙初嘗獻玉像高四尺二寸玉色瑩潔形製殆非人工此像歷晉宋世在死官寺至齊東昏毀之為潘妃作釵

新羅

新羅辰韓種在百濟東南五千里其俗呼城曰健牟羅邑在內曰豚評在外曰邑勒有六豚評五十二邑勤官有子曹早支齊早支謂早支壹告支奇貝早支等名冠曰遣子禮孺曰尉解禱曰柯半靴曰洗

倭

倭自云太伯之後有獸如牛名山鼠又有大蛇皮堅不可碎上有孔牟胡乍開時有光射中孔則蛇死國西南

南朝

四十一

竹

外國

萬里有海人身黑眼白其肉美行者或射而食之

交身

國在倭北七千餘里人文身額亦有三文文直者貴文小者賤土俗豐樂行者不齋蠶王居壯麗多飾以金寶繞屋為塹廣一步實以小銀兩則流於水銀之上

扶桑

國在大漢東二萬餘里地多扶桑木葉似桐初生如符實如梨而赤國人食之績其皮可為布為綿為紙無兵甲不攻戰國王衣色隨年改易甲乙青丙丁朱戊己黃庚辛白王癸黑牛角最長以角載物至勝二千斤

女國

國在扶桑東千餘里女容端正潔白身有毛髮長委地二三月競入水則娠六七月生子胸前無乳頃後生毛根白毛中有汁以乳生子生日即能行三四年成人矣偏畏丈夫食鹹草似蒿而氣香味鹹國有樹神歲初以人祭或用獼猴祭畢入山祝之有一鳥如雌雉來集掌上破其腹視有粟則年豐沙石則有災謂之鳥上滑

滑車師別種產兩腳駱駝野驢有角王坐金牀隨大歲轉與妻並坐接客禮尚一拜國女少兄弟其妻

北齊書 參北史

高洋

洋少時與兄弟同在父側父欲試諸子意識各使治亂絲洋獨抽刀斬之曰亂者須斬父奇之後從兄登過遼陽山獨見天門開餘人無見者及即位狂惑無度一日手持矛架遊行市屢見一婦人問曰天子何如答曰顛頭癡癡何成天子遂殺之時三臺構木高二十七丈兩棟相距二百餘尺工匠危懼皆繫繩自防洋獨登脊疾走略無怖色復於其上雅舞旋折見者靡不瞻寒所幸薛嬪甚寵愛忽意其與高岳通無故斬首納之懷中旋赴東山宴勸酬前合忽探頭投於梓上復取弄其牌為琵琶一坐驚怖喪膽良久復收之對之流涕云佳人難再得殊可惜也因命載尸出被髮徒步哭而隨之

樂驍勇經世每戰必陷陳高歡西征與宇文泰對壘樂

北齊書

四十二

竹

乘醉深入，被刺腸出，內之不盡，為截去，復戰尋敗。西師於山，追泰甚，奪泰還，謂曰：「癡男子，今日無我，明日豈有汝？何不急急趨前，營收金寶，樂從之，獲金帶一束，以歸。」

則律光

光工騎射，嘗從高澄校微射雲表，一大鳥中其頸，形如車輪，旋轉而下，乃雕也。遂稱落雕都督，自結髮從戎，百戰百捷，嘗謂周人曰：「歸我七年人，不然取爾十倍。」周即歸之，拓地五百里，祖珽、私恨，譏之高，甚會西魏，韋孝寬忌光，造謠云：「百升飛上天，明月照長安。」謠傳鄰下，墜遂以此中之，竟被殺。

崔瞻

瞻性簡傲，以才地自矜，所交皆一時名彥，在御史臺必於宅中送食，備極珍美，瞻恒別室獨餐，時有河東裴姓者，亦為御史，伺瞻食，往造焉，瞻不與言，亦不命匕箸，裴坐觀瞻食罷而退，明日裴自攜匕箸就之，悉情飲噉，瞻乃謂曰：「君能不拘小節，定是名士，自是每食必與共之。」

張遠遊

遠遊與諸術士合九轉金丹，丹成以獻，洋洋置之玉匣。

曰：我貪世間樂，未能即飛上天，待臨死時取服。

高浚

高洋末年昏狂，持甚弟浚，屢諫觸怒，遂被收浚，至盛以鐵籠與弟渙俱置北城地牢，飲食澁穢，其一處明年洋將左右臨穴，譎誦合浚等和之，浚惶怖且悲，不覺聲戰，洋為愴然，將赦之，長廣王湛進曰：「猛獸安可令出穴？洋默然，遂令壯士劉桃枝就籠亂刺，仍亂投薪火燒殺之，填以上石，後出其尸，皮髮皆燼，色如炭。」

高綽

綽始十歲，愛波斯狗，有婦人抱兒，奪其兒以飼波斯狗，綽聞之，詔鎖至行，在至則宥之，問在州何事，最樂對曰：「多取螞蟥，將蛆混看，極樂。」綽即夜捕螞蟥一斗，比曉置諸浴斛，使人裸臥斛中，號叫宛轉，綽與綽縱觀，喜噱，謂綽曰：「如此樂事，何不早馳驛奏聞？」綽生於五月五日辰時，綽生於五月五日午時，綽後見殺，經四百餘日，始大斂，色如生俗云：五月五日生者，腦不壞，綽兄弟皆呼父為兄，嫡母為家家乳母，為姊姊，婦為妹妹。

高緯

周師逼鄴緯憂懼不知所之欲走突厥不果耶律孝卿請謙慨流涕感激將士為撰詞使先識之臨時宣諭及出對眾不復記輒大笑左右羣哈眾遂解體未幾被執

高延宗

緯出奔鄴諸將無主延宗為眾所迫稱帝號未幾與周兵戰力屈被執延宗在鄴以十二月十三日晡時受勅守并州明日踐帝位是日即被圍經宿至食時敗年號德昌好事者言得二日天子云

周書參北

耿豪

豪嘗從宇文泰戰邯山先謂所部曰大丈夫見賊須右手拔刀左手把稍直刺直斫慎莫皺眉遂大呼獨入敵鋒刃亂下咸謂豪已陷沒俄奮刀出當其前者死傷接踵又嘗謂左右曰吾豈樂殺人但壯士遇敵不得不爾若不能殺賊又不為賊所傷何異逐坐人也

陸騰

陵州木籠獠恃險屢出抄劫詔騰討之獠既因山為城

攻之未易拔騰乃於城下多設聲伎諸雜樂為嬉戲示無戰心賊果有棄兵仗至攜妻子臨城觀樂者騰知其氣情無備遂密率眾軍併力齊上諸賊出不意惶懼失措騰遂縱兵討擊盡破之斬首萬餘級俘五千入騰以蠻獠多險遂量其山川形勢刊石開道因於路得故銘並諸葛亮桓温故道也

李遷哲

遷哲累戰功簡安康郡公性華侈厚自奉養姬妾至百數生男女凡六十九緣漢于餘里間第宅相次令姬人有子者分處其中遷哲往來遊幸鳴笳導從縱酒醺酣極生平之樂子孫參見或忘其年名者披簿審之

于謹

周主嘗嘗幸太學謹為三老南面憑几坐豈乃北面訪道於謹曰猥當天下重任自惟不才不知政術之要公其教之三老起立答曰木從繩則正后從諫則聖又曰治本在忠信古人去食去兵終不去信又曰為國有法法者國之紀綱賞罰不可不願陛下慎之語畢周主再拜受教三老答拜禮成而出子翼有識度與兄實先

周書

四十四

竹

後為渭州刺史並有惠政時比之大小馮君

柳蚪

蚪以史官密書善惡不足示勸懲上疏請詔諸史官凡所記事必當朝顯言其狀然後付諸史閣庶合是非明著足垂警省從之時論文體有古今之異蚪以為時有古今非交有古今為著文質論尤脫畧人間敝衣蔬食人或譏之蚪曰衣不過適體食不過充飢孜孜營求徒勞思慮耳士論高之

宇文贊

贊每自比上帝不喜人有高大之稱諸姓高者改為姜稱高祖為長祖凡稱上及大者俱改為長稱天者亦改之自稱天元皇帝母為天元太后五后俱為天大皇后飲食器率用宗廟中罇彝圭瓚之屬

韋世康

世康恬素好古不以得喪縈懷任絳州刺史悠然有止足之意貽其子弟書曰吾宿沽縷弁驅馳不已四紀於茲志除三惑心慎四知奉不貪以為寶處脂膏而莫潤今耄雖未及壯年已謝霜早梧楸風先蒲柳祿豈須多

防滿則退年不必莫有疾便辭其雅致如此性孝友以諸弟並隆貴獨季弟世約宦途不達乃舉父時因宅盡推與之

稽胡

稽胡一日步落稽俗淫穢處女尤甚將嫁之必與淫者叙離夫氏聞之以多為貴既嫁後頗亦防閑

突厥

突厥古匈奴別部其王初立近侍重臣輿之以璽隨日轉九回每一回臣下皆拜拜訖乃扶令乘馬以帛絞其頸使纜不至絕然後釋而急問之曰汝能作幾年可行其主既精神奮亂不能詳定多少臣下乃隨其所言以驗脩短之數旌纛之上施金狼頭待衛之士謂之附離華言亦狠也蓋本狠種故以示不忘本云

吐谷渾

國王坐金師子牀號其妻為恪尊其俗婦人皆貫珠束髮以多為貴婚姻貧不能備物者輒盜女去國有青海周千餘里丙有小山冬冰合則以良牝馬置山上至來

周書

四十五

竹

冬收之馬皆有孕所生駒號龍種多駿異世號青海駿者此也土出犛牛鳥多鸚鵡

鄯善

即古樓蘭國東去長安五千里北即白龍堆西北流沙數百里夏日有熱風為行旅患風將至惟老駝知之即鳴而聚立埋其口鼻於沙中人即將羶擁閉鼻口其風迅駛斯須過盡即免患不則危

嚙噠

嚙噠東去長安一萬餘里即王舍城也其俗兄弟其妻一妻夫無兄弟者妻戴一角帽若有兄弟者依其多少之數更加帽角

波斯

波斯去長安一萬五千三百里王姓波斯氏王即位后即擇諸子中賢者密書其名封之庫諸子及大臣皆莫之知也王死乃其發書視有名者即立為王其俗以六月為歲首尤重七月七日十二月一日是日民庶以上並設會作樂極歡娛城外有人別居專知喪葬事號不淨人若入城則搖鈴以自別

隋書 參北史

天文志

昔者榮河獻籙溫洛呈圖六文摘範三光宛備則星官之書自黃帝始高陽氏使南正重司天北正黎司地帝堯乃命羲和欽若昊天更有昆吾殷有巫咸周之史佚宋之子韋魯之梓慎鄭之裨竈魏有石氏齊有甘公皆能言天文察微變者也漢之傅天數者則有唐都季尋之倫光武時則有蘇伯况即雅光並能參伍天文發揚善道補益當時監垂來世而河洛圖緯雖有星占星官之名未能盡列後漢張衡為太史令鑄渾天儀總序經星謂之靈憲其大略曰星也者體生於地精發於天紫宮為帝皇之居太微為五帝之坐在野象物在朝象官居其中央謂之北斗動係於占實司王命四布於方為二十八星日月運行歷示休咎五緯經次用彰禍福則上天之心於是見矣中外之官常明者百有二十可名者三百二十為星二千五百微星之數萬一千五百二十庶物蠢動咸得繫命而衡所鑄之圖遇亂堙滅星官

隋書

四十六

竹

名數今亦不存三國時吳太史令陳卓始列廿氏石氏
巫咸三家星官著於圖錄并注占贊總有二百五十四
官一千二百八十三星并二十八宿及輔官附坐一百
八十二星總二百八十三官一千五百六十五星宋元
嘉中大史令錢樂之所備渾天銅儀以朱黑白三十用
殊三家而合陳卓之數高祖平陳得善天官者周墳并
得宋氏渾儀之器乃命庾季才等參校周齊梁陳及祖
暉孫僧化官私舊圖刊其大小正彼疎密依準三家星
位以為蓋圖旁摛始分甄表常度并具赤黃二道內外
兩規懸象著明纏離位次星之隱顯天漢昭回宛若穹
蒼將為正範以墳為太史令墳博考經書勤於教習自
此太史觀生始能識天官煬帝又遣宮人四十人就太
史局別詔袁充教以星氣業成者進內以參占驗云史
臣於觀臺訪渾儀見元魏太史令晁崇所造者以鐵為
之其規有六其外四規常定一象地形二象赤道其餘
象二極其內二規可以運轉用合八尺之管以窺星度
周武帝平齊所得隋開皇三年新都初成以置諸觀臺
之上大唐因而用焉馬遷天官書及班氏所載妖星暈

其雲氣虹蜺存其大綱未能備舉自後史官更無紀錄
春秋傳曰公既視朔遂登觀臺凡分至啓閉必書雲物
神道司存安可誣也

高頴

頴有幹略文帝嘗咨以取陳之策頴進曰江北地寒田
收差晚江南土熱水田早熟量彼收穫之際微徵土馬
聲言掩集敵必屯兵禦守便可廢其農時及彼聚兵我
還解甲再三若此敵以為常後更集兵彼必不信猶豫
之頃我忽濟師出其不意破之必矣又江南土薄舍多
竹茅所有儲積皆非地窖密遣行人因風縱火待彼修
立更復燒之不出數年可令彼財力俱困帝用其策卒
傲陳

牛弘

開皇初弘為秘書監表言書有五陋因請廣獻書之路
孔子開素王之業定禮刊詩正五始闢十翼而秦皇一
燬略盡一陋也漢興藏書置策校書置官孝成遣謁者
求遺書於天下劉向父子奉詔校讐文典斯盛而王莽
之未並從焚燼二陋也光武嗣興先求文雅肅宗親臨

講肄和帝數幸書林於是蘭臺石室秘牒填委及獻帝
移都圖書盡帛盡為帷囊收而西者裁七十餘乘而西
京大亂一付燔炬三阨也魏文更集經典藏在秘書內
外三閣令鄭默刪定舊文朱紫有別晉代承之荀勗檢
定內經更著新簿屬劉石憑陵復遭散佚四阨也永嘉
後寂滅無聞及劉裕平姚雅意圖籍五經子史才四千
卷皆赤軸青紙文字古拙並歸江左王儉依劉氏七略
撰為七志梁阮孝緒亦為七錄總其書數三萬餘卷侯
景滅梁雖從兵火而文德殿內書史宛然猶存蕭繹因
之公私收集至七萬餘卷悉送荊州已周師入郢繹盡
焚之外城存止十一五阨也邈者御出單本合一萬五
千餘卷部帙之間仍有殘缺比梁舊目未及其半誠宜
發明詔縣購賞不可令王府所無而私家乃有上納其
言遂下詔獻書一卷資一縑於是二二年間篇籍浸備

楊素

素多權智馭戎嚴整每臨敵輒求人過失斬之多者百
餘少不下數十流血盈前言笑自若以是將七股栗人
懷必死戰無不克尤工文詞先在周武帝嘗令為詔下

筆即成詞義兼美帝嘉之曰善自勉勿憂不富貴素對
曰但恐富貴來逼臣臣何心圖富貴及仕隋位極人臣
詩常賞賜動以巨萬賞賜金鉢一實以金銀鉢一實以
珠諸子俱位柱國刺史后庭伎妾綺繡者千計第宅
華奢制擬宮禁家僮有鮑亨者善屬文殷冑者工草隸
皆江南士人沒為奴其勢破極盛近古未有也

劉行本

行本性剛烈有不奪之志文帝嘗怒一郎將笞之行本
進曰此人素清其過又小上不願行本道前曰陛下不
以臣不肖置臣左右臣言若是陛下安得不聽言若非
當致之理又安得輕臣而不顧遂置笞於地徑出上追
謝之為原笞者

韓禽

禽既奉命平陳會突厥可汗來朝上問曰汝知江南有
陳國天子乎對曰聞之上命引可汗至禽前曰此是執
陳國天子者禽厲然顧之可汗不敢仰視已寢疾其鄰
母見禽門下儀衛甚盛頗同王者母異而問之中一人
曰來迎王忽不見又有一人疾篤忽走至禽家曰我欲

隋書

四十八

竹

謁王左右問曰何王答曰閻羅王禽子弟欲撻之禽止
之曰生為上柱國死作閻羅王斯亦足矣未幾卒

賀若弼

弼自平陳後每自許宰相已楊素為右僕射弼仍將軍
意頗怨望上命除名嘗數之曰公自三太猛疾妬心太
猛自是非人心大猛無上心大猛○突厥人朝上嘗命
之射突厥一發中的上曰非弼莫能當此乃命弼弼亦
一發中的上大悅顧突厥曰此人天賜我也楊帝在東
宮時嘗與弼論將略弼曰楊素韓禽是鬪將非領將史
萬歲是騎將非大將太子曰然則大將謂誰弼頓首曰
惟殿下所擇意蓋以自許也卒被誅

蘇威

威以直亮見重帝嘗欲殺一人威諫不聽當前不去帝
欲出威輒遮止之帝拂衣入良久悟謝曰公乃能如是
帝嘗言楊素才辯無雙至斟酌古今非威匹也威若當
亂世商山四皓豈易屈哉然政尚苛細嘗作五教使民
無長幼悉誦之遂激變江南至有生鬻縣令而昭其肉
者或執長吏抽其腸而殺之曰更能使我誦五教不朝

議以此短之

杜正元

開皇中詔舉秀才正元試策高第楊素怒曰周孔更生
尚不得為秀才刺史何妄舉徑抵策於地時選期將盡
曹司為重啓素素意在試退正元乃命題擬司馬相如
上林賦王褒聖主得賢主頌班固燕然山銘張載劍閣
銘白鸚鵡賦且曰吾不能為君佳宿可未時急就正元
及時脫稿素讀數過大驚曰真好秀才命吏部優敘

劉臻

臻耽嗜經史精兩漢書時人呼為漢聖而性恍惚於世
事多所遺忘文帝時位儀同時劉訥亦任儀同情好甚
密臻住城南訥住城東臻一日退朝欲尋訥謂從者曰
汝知劉儀同家乎從者不知為訥漫應曰知竟引還既
入門向未悟據案大呼曰劉儀同可出矣其子出迎臻
謂曰汝亦來耶子答曰此是大人家於是乃顧盼久之
詫曰吾欲造劉訥耳性好啗蜋以音同父諱呼為扁螺

鐵杖走及奔馬能日行五百里以事沒入配執御傘每

麥鐵杖

隋書

四十九

竹

罷朝夜行百餘里至南徐州踰城入明火行劫且還及
時仍執傘如是者十餘度州人識之以狀聞朝士見鐵
杖每旦在不信也尚書蔡徵計於仗下時購送詔往南
徐州者期以且報命獨鐵杖應募且還奏不失期帝日
此其為盜信矣惜其勇捷不罪後以功累官光祿大夫

裴矩

煬帝在江都屈突通敗信至帝為失色左右驍果多有
逃散者帝憂之徒無眷屬則無固志臣請聽其納室帝大
二年驍果之徒遂令矩檢校將士召江都境內寡婦及
悅日此真妙計遂令矩檢校將士召江都境內寡婦及
未嫁女皆集宮監令諸將卒恣所取又聽其自首先有
姦通婦女及尼姑等並即配之由是諸驍果皆大喜日
此裴公惠也未幾宇文化及叛諸逆黨皆日不關裴黃
門矩得脫時西域諸蕃多至張掖與中國交市帝命
矩監其事矩揣帝意方勤遠略於是諸商胡至者誘令
言其國俗山川險易為撰西域圖記二卷上之序云自
漢氏開拓河石始稱名號者三十六國其後分立乃五
十五王於今年代久遠或地是故邦改從今號或人非

舊類因襲昔名臣近因監知關市採訪胡人王及庶人
皆依其本國儀形服飾丹青模寫為西域圖記其成三
卷合四十四國仍別造地圖窮其要害縱橫所亘將二
萬里良由富商大賈周遊經涉故諸國之事罔不徧知
發自敦煌至於西海凡為三道各有襟帶北道從伊吾
經蒲類海鐵勒部突厥可汗庭度北流河水至拂菻國
達於西海其中道從高昌焉耆龜茲疏勒度葱嶺又經
鎊汗蘇對沙那國康國曹國何國大小安國穆國至波
斯達於西海其南道從鄯善于闐朱俱波唱槃陀度葱
嶺又經護密吐火羅挹怛州延漕國至北婆羅門達於
西海其三道諸國亦各自有路故知伊吾高昌鄯善並
西域門戶也

楊玄感

玄感楊素子體貌雄偉美鬚髯少時人多謂之癡其父
母獨日此兒不癡也長好讀書善騎射性雖驕倨而愛
重文學四方知名士多趨其門見朝綱漸紊帝多猜忌
輒有異志帝時好征伐玄感欲立威名陰求將領謂兵
部尚書段文振日世荷國恩庶幾執鞭行陳可圖報塞

隋書

五十

竹

文振爲言於上。上喜曰：相門有相，將門有將，故自不虛。於是征遼之役，遂命玄感督運黎陽，逆謀決於此。玄感進逼東都，尙書衛元率衆數萬自關中來援，先以步騎二萬挑戰。玄感僞北，元逐之，伏兵發，前軍盡沒。已數日，復戰，戰始合，玄感詐令人大呼曰：官軍得玄感矣！元軍恍惚，疑信勢稍懈。玄感輒帥精銳乘之，元遂復大潰。玄感每戰必身先士卒，嗃嗃當之者莫不披靡。時以方項羽，時樊子蓋，屈突通來護兒等援兵前後繼至，與衛元合。玄感分兩軍西抗元，東拒通，勢遂分。戰頻北，因議釋洛陽，直搗關中，行至弘農，宮父老說曰：宮城無備，多積粟，玄感信爲然，雷攻之。三日不克，而迫兵至，遂大敗，獨以數十騎走入林莽，間窘迫無復之，顧謂弟積善曰：事去矣，吾不能受人僇辱，汝可殺我，積善遂抽刀殺之，屍磔東都市。

房彥謙

彥謙仕大業中，知王綱不振，遂棄官去，結廬蒙山，隱居求志，嘗從容獨笑，謂其子元齡曰：人皆因祿富，吾獨以官貧，所遺子孫，惟此清白耳。文章恢廓閑雅，有古人深

致工草隸，人得其尺牘者，皆寶玩之所，交皆知名士，雖冠蓋成列，而絕無雜賓也。初平陳，天下一統，論者皆誇太平之盛，彥謙獨謂李少通曰：天下方憂危亂耳，少通初不謂然，已卒驗。

鄭善果母

母崔氏，年十三歸鄭，誠生善果，二十而寡，凜節操，識大體，善果爲景州刺史，每出聽事，母恆在後察之，一日聞其妄瞋，母卽蒙被泣，終日不食，善果伏不敢起，母乃起，請之曰：吾非怒汝，恨愧汝家耳，汝父在官清恪，以身殉國，吾寡婦有慈，無威，汝自童子便襲茅土，位方伯，豈汝身致之，安得不念及此，而妄瞋怒，內墮家風，外虧國法，吾死何以見汝先人，善果乃頓首受命。

隋外國

鞞鞞

鞞鞞有七種，惟黑水部爲最勁，矢皆石鏃，卽古肅慎氏也。國多熊羆豺豹，然不害人，水氣鹹，鹽生木皮之上，嚼米爲酒飲之，亦醉。

隋書

五十一

竹

倭

開皇末倭遣使詣闕上令所司訪其風俗使者言其王
以天為兄以地為弟天未明出聽政踟躕坐日出便停
其國女多男少女入夫家必先跨犬乃與夫相見國有
如意寶珠色青大如雞卵夜則有光云魚眼睛也大業
三年遣使朝貢其國書曰日出處天子致書日沒處天
子無恙云云帝覽之不悅

赤土

赤土在南海中俗敬佛尚華靡惟金鑽非王賜不得服
用大業三年主事常駿王君政使其國就館送食以草
葉為盤其大方丈王前並設草葉盤方一丈五尺器皿
俱金使還獻金芙蓉冠龍腦香鑄金為多羅葉隱起成
文以為表使者歸既人海見綠魚羣飛水面浮海十餘
日至林邑東南並山而行有水濶千餘步色黃氣腥舟
行一日不絕云大魚糞也又有真臘國人以右手為
淨左手為穢土多奇樹其花實皆異九真海中有建同
魚四足無鱗鼻如象吸水上噴高五六十尺又有八足
大魚半身出水望之如山

高昌

高昌漢車師前王庭也出赤鹽如珠白鹽如玉多蒲萄
酒從武威西北有捷徑度沙磧千餘里四面茫然行者
於路或聞歌哭聲則皆魑魅魍魎也

吐火羅

火羅都城方二里勝兵十萬其俗兄弟同一妻送寢焉
每一人八房則挂其衣戶外以為志生子則屬長兄其
山穴中有神馬牧牝馬於穴所必產名駒又有漕國其
國有魚脊骨孔中可通騎出入

西突厥

突厥本一國分為二相讐殺大業中西可汗處羅負固
不朝帝因裴短計議封射匱為大可汗以分其勢取桃
竹白羽箭一枝賜射匱寄謂曰此事宜速使疾如箭也
射匱得箭大喜即與兵襲處羅窮遂入朝頓首謝
罪帝曰今四海既清天下一家譬如天上止有一个日
照臨莫不甯貼若有兩個三個日萬物何由得安於是
處羅上壽曰自天以下地以上日月所照惟有聖人可
汗千歲萬歲常如今日也射匱即處羅種

隋書

五十二

竹

